

Akamanyiso Ka Kashatu

Jeffersonville, Indiana, USA

Owkakashatu 20, 1963

1 Musiibire gye, banywani. Reka twemerere hati akaanya kakye tushabe. Twinikye emitwe yaitu.

Tataitwe ow'omu Iguru, nk'oku turikuhurira ekyo-ekyo kyeshongoro kirungi, nitu-nituteekateeka, Mukama, abawwa . . . ngu Ori haihi. Kandi nitushaba ngu Nooza kutwakiira eki, Mukama, nk'abaana Baawe, orikutusaasira ebibi byaitu byona kandi n'ebi'okushiisha, kandi n'okutuha aha migisha Yaawe, abaw'okuba turi abantu abaine ebyetengo.

Kandi omu shaaha nkuru egi ei tutwiremu hati, kandi nitireeba, buri mwaka, nigweyongyera kuba omwirima ndi ndi ndi, kandi ndi ndi, ahari ensi. Kandi Okwija kwa Mukama nikweyongyera kuhwezika n'okuhwezika, obwo Arikweshuurura We wenka omu . . . omu Kigambo Kye kandi n'omu kweyoreka Kwe. Twagaruka, eki, Mukama, okugyezaho, okw'okuteerana oku, kandi n'Okukushaba okutubambuurira, Mukama, Akamanyiso ka Kashatu aka ak'Ekitabo eki, kugira ngu kibaase kutumanyisibwa, kugira ngu tukaamanya eky'okukora kandi n'oku turaabeho, kandi n'oku tushemereire kuba Abakristaaayo barungi okukiraho.

2 Ninshaba, Ruhanga, ngu Noija kuhindura buri otari Mukristaaayo hanu, ekiro eki, bamanye ku Nibakwetenga. Ikiriza kibe kwo. Kandi ni-ninshaba, Tataitwe ow'omu Iguru, ngu buri Mukristaaayo ozairwe obwa kabiri naija kumanya ngu naateekwa kutuura haihi Naiwe okukira oku atwire obunaku bw'enyima, kugira ngu twena tubaase kuba omu bumwe obwo bwa rukundo y'Abakristaaayo n'okwikiriza.

Ikiriza kibe ngu buri muntu orwaire ahagati yaitu naija kukira ekiro eki, Mukama. Nibamanya ngu nibakwetenga. Kandi ninshaba, Taata, ngu Noija kuha omugisha buri kintu ekirikukorwa nari kugambwa, Kukuha ekitiinisa n'okusingizibwa, twakishaba omu Iziina rya Yesu. Amiina.

3 Mbwenu, omurundi ogundi, ekiro eki, twateeranira hamwe omurundi ogundi abaw'ekki, e-ekiyo ky'Orwakashatu rwa saabiiti. Kandi nitwesiga Mukama, ekiro eki, abaw'oku-okushukwaho kw'amaani kw'emigisha Ye aha Kigambo Kye. Kandi eriizoba nsuibire ninshoma, nka burijjo, kandi ndikugyezaho kuteekateeka aha bintu ebishemereire kugambwa, kandi n'ekintu, oku nshemereire kukigamba, reero n'okwegamira ahari Mukama okumpereza okushoboorora kandi n'amakuru g'e-g'Ekiyambo eki ekihandiikirwe. Kandi Nimusiima abaw'ebi Atukoreire omu saabiiti egi, ngu tu . . . eby'okubambuurwa kw'Obumanyiso obu.

4 Kandi, hati,

shana kikaaba ekintu kirungi kuri Sande omu kasheeshe, ahari. . . . Nimumanya emirundi mingi . . . Titurikumanyisa kuba abatarikwetegyerezibwa, kureka, nimumanya, nimu . . . Okwo nikwo kiba. N'ahabw'ekyo, obundi, akasheeshe ka Sande, boona abaine ekibuuozo omu biteekateeko byabo ekikikwatsireho, ku baakukihandiika kandi bakakita aha meeza hanu, Orwamukaaga ekiro kandi nikwo mbaase kureeba eki kiri. Kandi bwanyima ngyezeho okukibagarukiram, Sande omu kasheeshe, Mukama yaakunda. Nintekateeka ngu ekyo kikaaba kirungi okukira eki tubaire nitutebeekanisa, abaw'okuba obumwe n'obumwe nikyetegyerezibwa kubi, nimumanya. N'ahabw'ekyo omu buryo obwo niinyija kutunga . . . Kikaaba kirungi okukiraho kugira ngu nkinikitereeze, nimumanya. Kikaabaire eki kishemereire kuba.

Habw'okuba, obumwe n'obumwe, hati . . .

5 Omuntu anteerire esimu eriizoba kandi yaagira, ngu-ngu, anteerire esiimu kandi arikwenda kumanya ku garaabe gari amazima ngu, "Okutwarwa ku-ku kuraabe kwabaireho, nihaija kubaho omwe omuri Jeffersonville kandi n'omwe omuri NewYork, kandi n'abandi abaatsigara barugye obuseeri bw'amayanja." N'ahabw'ekyo, mwareeba, nikyetegyerezibwa kubi.

Bwanyima omuntu yaagira, ngu, "Orwamukaaga nyekiro, Mukama ku araatuhe Akamanyiso k'aha muheru, obwo Yesu naija kuba hanu Sande omu kasheeshe." Mwareeba? N'ahabw'ekyo ni-ni . . . Nimureeba, to-tori. . . Ekyo, ekyo tikwo kiri. Kandi tori . . . Tikwo kiri. Titurikumanya. Omuntu weena ku araabagambire ngu nibamanya obu Araije, mumanye ngu bagwire, eky'okubanza kya byona, abaw'okuba tihariho n'omwe orikukimanya. Kwonka nitwenda kutuura, eriizooba, orikushusha oti nikyenda kubaho hati hati.

6 Naaza kugira oku naabahinduraho edakiika, mbwenu mweteekateekye. Ni-niinyikiriza Yesu aryaija omu, ahansi ya, edakiika ishatu kuruga hati hati, aha bwire Bwe. Nimumanya ekyo ni bwire ki obu kyakumara? Nk'emyaka makumi ashatu na itaano. Mwareeba, emyaka rukumi n'ekiro kimwe kyonka, Ahariwe, nimureeba. N'ahabw'ekyo, mwahurira entumwa enyima hanu erikugira eti, "Obwire bwirire haihi," eruguru hanu, "Obwire bwirire haihi." Entumwa ekyo ekakigamba omu kitabo ky'Okushuururwa. Nimumanya obwire obu eki kimazire? Ekyo tikika . . . Obwo bubaire buri nyomwabazyo, ahari Ruhanga, tibikabaire n'ebiro bibiri. Kandi, mwareeba, ku ziraabe, ziri edakiika ishatu, ahansi y'edakiika ishatu z'Okwija Kwe, mwareeba, egoy ekaaba emyaka makumi ashatu, haihi, ahariitwe, nari ekiri nk'omuringo ogwo. Kandi mureebe oku, eki edakiika ishatu zaakuba Ahariwe: Yaaherize kwimuka, kwija. N'ahabw'ekyo nitu, nimu . . .

7 obumwe n'obumwe waashoma hanu, Arikugamba omu muringo gw'Ekiyambo, mwareeba, ti mu muringo gwaitu. Kandi reero ku naakubaire nimumanya ngu Naija nyencakare ekiro, nyencakare ekiro, nyencakare

nkaashomire kandi Mushaba okumpeezea Obutumwa aha Kamanyiso ka Kana. Kandi nkaizire ahaifo hanu kandi Mbubuurira, nk'obutoosha. Mwareeba? Ni-niinyenda kuba ninkora buriizooba eki naakubaire ninkora ku Araije. Kandi tindikumanya omwanya ogundi ogurukukiraho okukira okubakurirwa aha murimo, mwareeba, aha murimo. N'ahabw'ekyo tugumizemu okuhitsya obu Araije.

Obumwe n'obumwe ku turikushoma, kandi, hati, mwegyendesereze munonga. Kandi ku muraashome, mukwate entambi z'amaraka, muzihurikize mufiireyo munonga. Ahabw'okuba, nimwija kukishanga aha rutambi rw'amaraka, ahabw'okuba batwire nibahurikiza ezo ntambi obwire bw'enyima, kandi buzima ziboneire kandi nizeetegyerezibwa gye. N'ahabw'ekyo, nimwija kikitunga omu muringo ogurkwetegyerezibwa gye okukiraho.

8 Hati, buri muntu ainiire Kristo rukundo, nyine amatsiko, omwebazyo ogu, kandi na buri muntu Amwiniire rukundo. Niinyija kubagambira ki, obumwe n'obumwe, ekibuzabuza abantu, haagira omuntu ow'ataahamu kandi atatungire ekicwe ky'okubanza kya saaviisi, nimureeba. Bwanyima nibataahamu kandi bakuhurile orikugamba aha by'enyima, orikukihamisiriza, ekintu, reero nibatwara ekyo, ekyagambwa, kandi batatungire ekicweka ky'okubanza. Bwanyima byona nibibabuzabuza, nimureeba, obwo. Kandi nibateekateeka ngu ekintu kigambirwe okundi, kwonka ti-kwonka tikwo kiri.

N'ahabw'ekyo ku oraabe oine ekibuuzo eki otarikwetegyereza, kihandiikye aha kicweka ky'orupapura. Rutemu, obwire bwona rwagati ya hati n'Orwamukaaga ekiro. Kandi niinyija kugyezaho, Sande omu kasheeshe ahari . . . Ku kiraabe nikibuzabuza kakye, noogira oti, "Mbwenu, niinyebuuza eki eki kyamanyisize hanu. Tinkyetegyereze." Nimumanya eki ndikumanya. Bwanyima niinyija kugyezaho kukibagarukamu, Sande omu kasheeshe, Mukama yaakikunda.

9 Hati, omwebazyo ogu twaza kugaruka tushome okuruga omu kitabo eki ekya ira ekihairwe omugisha, omu shuura ya 6. Kandi ekiro eki nitutandika n'Akamanyiso ka Kashatu. Kandi ogwo n'omushororongo gwa 5, omushororongo ogwa 5 n'ogwa 6. Kandi nyencakare ekiro nituhendera abatembire embaraasi bana; embaraasi erikwera, kandi n'embaraasi erikutukura, embaraasi erikwiragura, kandi n'embaraasi ya kisa. Kandi niinyenda kugamba eki. Ngu, buri bwire, n'okuhitsya omu kasheeshe aka, haihi . . .

Niinyimuka kare buzima, buzima kandi ntandika kushaba ebintu bitakatabangukire, reero ngumizamu nishaba eizooba ryona.

10 Kwonka akasheeshe aka, kare, Omwoyo Orikwera aizire ahu mbaire ndi. Kandi kirikureebwa gye nk'ekintu kyona, nde-ndeebire Akamanyiso akandi aka nikabambuurwa hati, buzima. Hati-hati-hati, Ampurira, nimmanya. Kandi ninsiima munonga. Hati, nimwija kwijuka ngu hariho ekintu ekirikubaho. Ekyo, nyi-nyine amatsiko ngu murikukyetegyereza, mwareeba, mwareeba, ngu hariho ekintu ekiriyo nikibaho. Niinyenda rimwe kugyeza ekanisa egi omurundi gumwe, reero ndeebe yaaba buzima barikubaasa kwetegyereza ekintu buzima kitakabaireho. Hati mwijukye, mwijukye eki mbagambre. Kandi, hati, Mukama atuyambe.

11 Hati omu mushororongo gwa 5.

*Ku yaabambwire akamanyiso ka kashatu, naahurira ekihangirwe ekyo kashatu nikigira kitit:
Ija . . . (oreebe)! Ku naimukize amaisho, naareeba embaraasi erikwiragura; kandi owaabaire agishutamiho akaba aine eminzaani omu ngaro ze;*

Naahurira eiraka ahagati y'ebihangirwe ebiine amagara ebina, nirigamba riti: Endengo y'engano y'edenaari, n'endengo ishatu za sayiri z'edenaari; kwonka amajuta na . . . viinyo otabishiisha.

12 Hati reka tuhe eki omusingye kakye, kandi n'aha Bumanyiso obu turabiremu. Ahabw'okuba, nk'omu busingye bw'ekanisa, ahabw'enki, nitugyezaho kuha omusingye, nk'okwenda kubibuganisa, okuhitsya obu orikubaasa . . . Okwo nikwo obusingye buri buzima omu Byahandiikirwe, bumwe nibutaaha omu bundi, nka batyo. Nk'okutemba eidaara, kandi okateera orutambo, nimanyisa; rumwe rurikushuumaa aha rundi, kandi n'okugaruka enyima nka batyo, nk'oku orikwinamuka eitembezo.

13 Kandi hati, Obumanyiso obu, e . . . Ni e . . . Ekitabo ky'Obucunguzi, kikomirwe n'akamanyiso. Buri muntu ekyo naakyetegyereza? [Abateeraine baagira bat, "Amiina"-Omur.] Kandi Ekitabo eki kikomirwe n'Obumanyiso Mushanju. N'Ekitabo ekikomirwe n'obumanyiso mushanju. Mwareeba? Kandi hati mwijukye, nk'oku tukiboorekire, kandi tukakiiha omuri Yeremia na hoona. Hati, bo, ku ba . . . Bakahandiika bat, aha kicweka ky'eky'ebihandiikirwe n'omukono, nari orupapura, nimanyisa; nari, ti rupapura, kureka rukaba ruri oruhu. [Ow'eishe-emwe Branham yaaha eky'okureeberaho ky'okuzinga n'okuta akamanyiso aha muzingo gw'ekitabo, naakozesa empapura.] Kandi bakaba bagzinga, bat. Hati ekyo . . . Reero omuheru gwagwo gukaba gutsigara guri guti; ekyo nikimanyisa ekirimu. Bwanyima ogwakuratiraho gutwara omwanya gw'omuringo nigwo gumwe, guzingwa omu muringo nigwo gumwe, guzingwa gutyo. Reeru, aha muheru hanu, gutaagwireho batyo, kandi hatsigareho ogundi. Mpaho, ekyo kikaba kiri Ekitabo ekikomirwe n'obumanyiso mushanju.

14 Hati tukaba tutakagirahoga Ebitabo nk'eki okuhitsya juba aha. Ebitabo omu bwire obwa ira bikaba biri emizingo y'ebitabo. Ekaba ezingwa. Reero ku baraayende eky'okwegaho nari ekintu kyona . . . Nka kuri-kuri Baiburi ezingirwe, nooyenda kushoma Ekitabo kya Isaaya; okaabiikwire ahaifo hanu omuri Isaaya, bwanyima

okizingurura oti, reero Okishoma. Kandi eki n'Ekitabo ky'Obucunguzi ekikomirwe n'obumanyiso mushanju.

Kandi hati nitushanga ngu Omwana gw'Entaama naarugayo, aiha Ekitabo omu mukono gw'Ogwo owaabaire ashutami aha Kitebe ky'Obukama, kandi abambuura Obumanyiso, kandi-kandi akomoorora . . . kandi akomoorora Ekyo, akomoorora Obumanyiso aha bantu. Kandi n'Ebihangirwe ebiine amagara ebina bishutami aho, ebi twakwatsireho omu busingye bw'ekanisa, Ebihangirwe ebina nibyo bimwe, noobireeba hoona kurabira omu Byahandiikirwe, kandi nibyo Bimwe Ebirikurangirira Obumanyiso obu oburikubambuurwa. Hati, kandi nitureeба n'E-n'Ekitabo ky'Obucunguzi.

15 Bwanyima tugarukire enyima twakwata O-Omunyabuzaare Omucunguzi, kandi Twamwihayo, kureeba omurimo Gwe eki gwabaire guri. Kandi hati kumara emyaka egi yoona, Kristo atwire naakora omurimo gw'Omumyabuzaare Omucunguzi. Hati, boona abarikwetegyereza ekyo, bagire bat, "Amiina." [Abateeraine baagira bat, "Amiina." -Omur.] Atwire naakora omurimo gw'Omumyabuzaare Omucunguzi. Kwonka obwire nibwija kuhika obu omurimo gw'okucungura gurihwa. Kandi omurimo gw'okucungura ku guraahwe, obwo Naatsigaho Ekitabe ky'Obukama kya Ruhanga, ahu Ashutami hati. Kwonka ekyo tikyo Kitebe Kye ky'Obukama. "Ogwo orikusingura aryashutama Naanye omu Kitebe Kyangye ky'Obukama, Nkaanye oku Naasingwire kandi Nkashutama aha Kitebe kya Tata ky'Obukama." Ekyo ti Kitebe Kye ky'Obukama. Ekyo n'eky'Omwoyo, Ruhanga. Kristo, Omwana gw'Entaama, tikiri Kye. Niwe Ruhanga ojwaire omubiri, mwareeba; niwe Ruhanga ogwo otahinduka, ajwaire omubiri.

16 Hati, Naimuka kuruga aha kitebe . . . Eky'okubanza, okurangirira kukaheebwa, Nikugira kuti, "N'oha orikubaasa kwija kandi akashu- . . . akatwara Ekitabo ky'Obucunguzi eki?" Mwareeba, ahakuba puraani yoona ey'obucunguzi, kuruga ahari Adamu, byona ebi Adamu yaafeereirwe. Hakaba hataraho ekintu kyona ekyabuzire okuhitsya ahari Adamu. Kandi ahanyima ya Adamu, byona bikabura, omu nsi. Kandi buri kintu aha bihangirwe by'omu nsi kikabura. Kandi buri kintu kikagwa na Adamu, byayambuka enengo kugira ngu hatagira n'omwe owaabaasa kugarukayo, tihariho buryo na kakye. Omuntu, ku yaashiishire, akatsigaho omuhanda gwe, tareetsigiireho muhanda gw'okugaruka. Kandi bwanyima e . . .

17 Ekipuuuo eki ku kyabuuziibwe; Yohaana owaashuuuruuriirwe, ngu . . . nabi Yohaana, akaba ari omu kworekwa reero yaakireeba. Kandi hakaba hataraho n'omwe omu Iguru, hataraho n'omwe omu nsi, hataraho n'omwe ahansi y'ensi, nari ondijo weena, owaabaire nangwa ashemereire n'okureeba omu Kitabo ekyo. Mwareeba? Mbwenu nimuteekateekye ahari ekyo! Bwanyima Omwana gw'Entaama yaarugayo, kandi Yaatwara Ekitabo. Hati Yohaana akashabwa okutagaruka kurira bundi. Akagira ati, "Reeba, Entare ey'omu ruganda rwa Yuda ekasingura, kandi kandi Naabaasa kutwara Ekitabo kandi Akibiikuure." N'ahabw'ekyo, akahinduka kureeba Entare, kandi yaareeba Omwana gw'Entaama. Omukuru akeeta, yaagira ati, "Entare ekasingura." Kwonka ku yaizire kandi akareeba, akaba ari Omwana gw'Entaama naaruga aha Kitebe ky'Obukama.

18 Hati, akaba atakeetegyerezaga Ekyo enyimaho. Ahabw'enki? Akaba atwire enyima okwo, omu kukora omurimo Gwe ogw'obuteerani; ahakuba Akaba naajwa eshagama ahabw'abantu, naatonganirira abantu, okuhitsya aha muntu ow'aha muheru, owaatairwe omu Kitabo ky'Omwanwa gw'Entaama ky'Amagara omusingye gw'ensi gutakatairweho, araataahemu. Nihija kubayo baingi munonga omuribo okwo, kandi nikyo ekyo. Nikyo ekyo kyonka. Abandi bo tibaraije n'okwenda kutaahamu; tibaine kyeteng ky'okutaahamu.

Kandi n'ahabw'ekyo, bwanyima, ogwo muntu ow'aha muheru ku araataahemu, obwo obunaku bw'obucunguzi nibuhwa. Bwanyima Omwana gw'Entaama najja okwegarurira obushoborozi Bwe aha bi Acungwire, kandi ebyo n'ebihangirwe byona. Ensi na buri kintu n'Ebye. Mwareeba? Akabicungura n'Eshagama Ye. Kandi ku Arikurugayo kutwara Ekitabo eki, Okukishwekuura, ahabw'enki, mugyenzi, bakaba bari . . . Yohaana taragarukire kurira. Kandi akareeba, kandi Omwana gw'Entaama ogu akaba ari Omwana gw'Entaama owaitsirwe. Gukaba gwaherize kwitwa, kwonka gukaba gugarukire kuba oguhuriire.

19 Kandi hati tushangire ngu Omwana gw'Entaama ogwaitsirwe n'omwana gw'entama ogwijwireho eshagama, gurikujwererana aha mubiri gwona. Gwitsirwe. Ahanyima y'Okwitwa, Gukaba gugarukire kuzooka. Gukaba gushutami aha Kitebe ky'Obukama, tugambe, okwo omunda enyima y'Ekitabe ky'Obukama, bat, nigungonganirira abo bantu boona abaabaire nibaza kwija. Bwanyima ow'aha muheru ku yaabaire ari hanu, kandi kyajura, e . . . Ruhanga akaguma aine Ekitabo ky'Obucunguzi. Mwareeba? Mbwenu Naakora omurimo gw'Omumyabuzaare hati. Nka, Boazi akashuumma, kandi Ruusi akaba ashutami aho ategyereize okuhitsya obu Boazi . . . nimmanyisa, Boazi akakora obu- . . . omunyabuzaare, omurimo gw'obucunguzi.

20 Nimwijuka ndikubuurira ekyo, eshuumi nkye ehweire? Ruusi arikuhumba; kandi, Ruusi, eki yaakozire kyona; kandi n'okugumizamu kushuumma, kandi ekintu ky'aha muheru kikaba kiri, Ruusi, ategyereize. Nimwijuka ekyo oku naakishushanise omu Kanisa? Obwo, Boazi naashuumma kukora omurimo gw'omunyabuzaare omucunguzi. Akagukora; yaihamu enkaito ye kandi yaayoreka obujurizi bwe, yaacungura Naomi, kandi, okurabira okwo, yaatwara-yaatwara Ruusi.

Mbwenu, n'ahabw'ekyo, Ruusi we akaba ategyereize, ahabw'okuba akaba yaakozire. Akaba yaakozire ebintu ebindi ebi byona, kwonka hati akaba ategyereize hati. Reero ku . . . Ekanisa etegyereize, ehuumwire (baingi omuribo, abarikukira obwingi omuribo, omu mucuucu gw'ensi), obwo Arikukora omurimo Gwe gw'Omumyabuzaare Omucunguzi.

21 Hati ensi neekigumizamu kuba mbi munonga. Kandi ekibi kiriyo nikituuma, kandi-kandi endwara, n'okurabanamu, n'orufu, kandi n'obujune. Abashaija abatarikutiina Ruhanga n'abakazi abatarikutiina Ruhanga nibafeera kimwe. Ekookoro neebarya, na buri kintu ekindi, baaba batarikubaasa kugira okwikiriza okushemereire ekirikugasha okugorora omukono bakakukwata.

Hati mwetegyereze. Kwonka kandi ahanyima ya byona kuhwa, ahanyima y'okute- . . . okutonganirira Kwe kuhwa, Naarugayo, Aiha Ekitabo omu mukono gw'Orgo. Reero Yohaana, kandi na buri kintu omu Iguru, kandi kutandika . . . Emyoyo ahansi y'eitambiro yaatandika kutaka. Nitutunga ekyo omu Kamanyiso ka Mukaaga, omurundi ogundi. Reeba oku baayesiimire! Kandi-kandi baagwa ahansi, abakuru, kandi baashuuka okushaba kwabarikwera. Kandi n'emyoyo eri ahansi y'eitambiro, yaataka eti, "Oshemereire, ahabw'okuba Ocunguriire Ruhanga abantu! Kandi nitugaruka omu nsi, okutuura nk'abagabe n'abanyamurwa." Oo, hakaba hariho ekikuru . . .

22 Kandi Yohaana akagira ati, "Buri muntu omu Iguru, buri muntu ahansi y'ensi, kandi na buri kintu," kikamuhurira naahimbisa Ruhanga ahabw'ekyo. Yohaana naateekwa kuba yaareebire eiziina rye Okwo, nimumanya. Obwire obwo bwona!

Bwanyima yaagira ati, "Ashemereire kutwara Ekitabo ky'Obucunguzi." Hati tikikiri eky'Omuramuzi. N'eky'Omucunguzi, kandi Akozire omurimo gw'obucunguzi.

Hati Naaza kworeka Ekanisa eki Yaakozire. Amiina. Mwareeba? Bwanyima Atwara. . . Kwonka Ekitabo kishwekirwe. Tihariho n'omwe owaamanyire, na kakye. Nibamanya ngu Kikaba kiri Ekitabo ky'Obucunguzi, Aharikyo okwo, kwonka n'Eky'okushuuuurwa omu biro by'aha muheru. Okurugiirira omu kitabo ky'Okushuuuurwa 10, maraika owa mushanju naaza kuheebwa Obutumwa bw'Ekyo. Ahabw'okuba, Kikagamba, ngu, "Omú bwire bw'okugamba kw'obusingye bw'ekanisa ya mushanju, maraika owa mushanju, ku arigamba, enaama zonna za Ruhanga zishemereire kuhwa, ahabw'okugamba kwe." Bwanyima, Kyacheza kushuuuurwa, Maraika naashuumaa ahansi kuruga omu Iguru, niwe Kristo. Hati mwijukye, maraika ogu ari omu nsi, entumwa.

Kristo yaashuumaa, Noomureeba omu shuura ya 10 y'Okushuuuurwa; yaata ekigyere kimwe aha nsi ekindi yaakita aha nyanja; omuhanganzima guri ahaiguru y'omutwe Gwe, amaisho nk'ag'e . . . n'ebigyere nk'omuriro, n'ebindi nk'ebyo; yaimutsya ahaiguru omukono Gwe, kandi yaarahira Ogwo obaho ebiro byona, aha Kitebe ky'Obukama, ngu "Obwire tiburibaho bundi."

23 Kandi ku arahira endahiro egi, Ebirikhinda Mushanju bigamba. Kandi omuhandiiki, ou, Yohaana ku yaatwairwe omu iguru, akaba ashemereire kuhandiika eki yaareeba. Akatandika kuhandiika. Akagira ati, "Ekyo Otakihandiika." Ahabw'okuba . . . "Ekyo otakihandiika." Ni e- . . . Akagira ati, "Bikome n'akamanyiso." N'enki ekirimu? "Koma n'akamanyiso. Otabigamba." Mwareeba, n'Eky'okushuuuurwa, kwonka n'okuhandiikwa Tikihandiikirwe n'omu Kigambo.

Kandi bwanyima ku Yaatandikire kubambuura Obumanyiso, nitureeba ngu, bikaba byona nibibuzabuza. Mwareeba? Ku Yaabambwire Akamanyiso k'Okubanza, akateekateeka ati, "Hati hanu nikiza kugamba, 'Kandi obwire buryahika nanka na nanka aryatwara ekitebe ky'obukama, kandi nanka akore eki, kandi ogu aryakora kiri.'" Kwonka ku kyabaire kiri kityo, ngugu yaagyenda, embaraasi erikwera, atembire embaraasi, kandi n'ogitembire agiraho. Mpaho, "Akaba aine obuta omu ngaro ze; kandi akaheebwa ekirunga, ahanyima y'akaanya kakye," akagamba. Nikyo ekyo kyonka.

24 Kandi Omwana gw'Entaama yaagaruka omurundi ogundi, yaabambuura akandi Kamanyiso, kandi hanu haarugayo erikwiragura . . . otembire embaraasi erikutukura. "Kandi akaba aine e . . . yaaheebwa ru-rurara; kandi akaba naaza kutenga orugamba; kandi aheebwe obushoboorozi bwingi, kandi aihe obusingye omu nsi, kandi baitane." Ekyo kikaba kiri nka . . . nabwo kikiri ekintu ekitarikwetegyerezibwa (tikwo kyabaire kiri?) ku Yaakishuurwire. Reeru kigumizamu, kandi kigira kiti, "Aha kiro kakyeho Ebirikhinda Mushanju bitakagambire, enaama zonna hanu nizishuuuurwa."

25 Hati mureebe. Bwanyima nitushanga ngu, nk'oku tutwire nitwega, ngu okushuumaa kuraba omu busingye, tutungire abahunduuzi, batari baanabi. Abahunduuzi! Kandi buri ofiisi eine ogwayo-omurimo gwayo. Nk'omushaija oriku-orikukora aha siimu, buzima tari ow'ebi'amashanyarazi. Naabaasa kugakoraho omurimo mukye. Kandi nka, omushaija yaaba ari makanika w'amashanyarazi, mbwenu, buzima na . . . Omushaija n'ow'okurima ebiina by'ebikondo by'amashanyarazi, kandi takakorahoga omurimo gw'okukanika gwona, ashemereire kwetantara waaya y'amashanyarazi; kwonka naabaasa kukoraho akarimo kakye ak'okuhunduuzza.

26 Kwonka obu Ekintu kyonyini kirikuza kushuuuurwa omu biro by'aha muheru, ky'ekicweka ky'aha muheru ky'Ekanisa, n'obu Ruhanga agambire ngu Aryatwoherereza, kurugiira aha Byahandiikirwe. Kandi tukicondoorize munonga, ngu Akaranga ku Omwoyo wa Eliya akaba naija kugaruka omu muntu ondijo.

Hati, ninneekateeka ekyo kyorekirwe gye buzima. Kandi nitu . . . Kandi tutegyereize ekyo kubaho; ahantu, omuntu oshukirweho amajuta, omu biro by'aha muheru, okwimukaho. Hati nimwija kuhurira abarikurengyesereza omu nyikiriza zaabo baingi kandi na buri kintu ekindi, kwonka ekyo ni-nikigyezaho ku . . . Ni Daimoni, arikugyezaho kucwaho aha kihikire ku araahikye hanu, mwareeba. Kwonka nikija kworekwa kurungi. Nimumanya eki Eliya yaabaire ari; mbwenu mureebe ekyo, kandi murya-muryamanya. Reeru ku ara . . . Hati,

Entoore zo ziryamanya. Ti bandi; buzima tibarikimanya. Baryakihusha, mirioni zaamairo.

27 Nka . . . Turabire omuri ebyo byona, kandi tworekire oku baahushire Yohaana, oku baahushire Eliya, oku baahushire Yesu, oku baabahabireho obwire bwona okugumizamu. Kandi baryakora ekintu nikyo kimwe, 'habw'okuba Baiburi ekagira ngu baryakikora. Mwareeba? N'ahabw'ekyo, omu bwire obwo, Kiryayoroba munonga. Nikija kwanguha munonga. Ekyo kirya . . . ekirireetera abantu kubura Bakakirugaho. Kyanguhi munonga aharibo. Nitushanga, kandi burijo, abantu ku baba abanyabwengye munonga kandiabeegeyesiibwe, kandi abarikumanya bingi munonga, obwo niba . . . Abo nibo abarikukihabaho, nimumanya. Mwareeba?

Yesu taratwaire abantu ab'omuringo ogwo (kuba) abeegi Be. Akatwara abantu abatashomire, abajubi, kandi tihariho n'omwe owaabaire akwataniise n'amakanisa gaabo n'ebindi. Akakwata abashaija ab'obutoosha, abahooza, n'abahingi, n'abashohi, kandi n'ebindi nk'ebyo, okukora omurimo Gwe. Mwareeba? Habw'okuba, ni-nibamanya ngu tibari kintu kyona, reero naabaasa kubakoram u ekintu, mwareeba. Obwire bwona obu baraagumizemu nibamanya ngu tibari kintu, obwo Ruhanga naabaasa kukora. Kwonka ku bahika aha kuteekateeka ngu haine eki barikumanya, obwo kyaba kiri kityo, "Timurikumanya ekintu kyona eki mushemereire kumanya," Baiburi nikwo erikugira. N'ahabw'ekyo, obwo, ekyo ni-nitukibona.

28 Kandi hati, nitushanga obwo, ngu enaama ezi zishemereire kushuururuwa. Kandi ahabw'enki abashaija aba abandi, Wesley, Luther, kandi n'abo bahunduuzi bakuru, abaareetsireho okwiwhaho orurbanja, okwezibwa, obusingye bw'abapentekoote n'okubatizibwa n'Omwoyo Orikwera kandi n'ebindi, ahabw'enki batarakwatsire Obutumwa obu-obu? Ahabw'enki Batarabutungire? Ahabw'okuba bakaba bari abahunduuzi. Mwareeba?

Nk'oku, kite aha rubaju orundi, hakaba hariho abantu abaataahiremu abaabaire "baine obushoboorozi nk'abagabe, kwonka bakaba batari bagabe." Mwareeba? Mwareeba? Nimuteekwa kwetegyereza emigambire ya Baiburi aha kintu kyona. Mwareeba? Hati mureebe. Kwonka, eki, niyo nshonga ngu enyegyesa nkuru zoona ezigwire, ez'ekicweka ekitarikwetegyerezibwa aha kwihwaho orurbanja, ekicweka ekitarikwetegyerezibwa aha kwezibwa, ekicweka ekitarikwetegyerezibwa aha kubatizibwa n'Omwoyo Orikwera. Kandi, ahabw'enki, ni muringo ki ogwakozire . . . Haawa akarya ekijuma kya apo, nari akarya amakomamahanga, nari ekintu nanka? Mwareeba? Aka. . . Oruzaaro rw'anjoka rukaba ruri ki? Kandi-kandi okubatizibwa kuri omu iziina rya "Isheboona, Omwana, Omwoyo Orikwera," nari omu Iziina rya "Mukama Yesu," tikwo? Kandi, oo, amagana n'amagana g'ebintu ebyo, zitsigirwe ziri enyegyesa ezitareegyesiibwe gye. Mwareeba?

29 Kandi bwanyima omu shaaha ey'aha muheru, omuntu ogu n'ow'okwija akashuuuruwa ekyo kintu, mwareeba, akwate Ebyahandiikirwe. Kiryayorekwa kurungi. Mureebe. Eego, sebo. Kandi, hati, tikiriba kintu kikuru, kihango hati. Nikireebeka, hanu omu Baiburi, kikaba nikiza kuba ekintu kihango.

Kikaba kiri kihango okukiraho okurikwingana ki, obu Yohaana yaabaire ashemereire kushuma eifo okwo kandi akabatiza! Muteekateekye hati. Baanabi, enyima, okugarukira kimwe enyima, Isaaya, Malaki, kandi n'abo boona bakamugambaho, obu yaabaire naaza kwija. Kandi ku yaizire, omugurus, ori wenka, oteegire, aine ebireju aha maisho ge hoona, kandi n'eishoky rimusuukwize nk'omuntu mubi ow'eishoky ryezingire aha mutwe, kandi ayefubikire ekicweka ky'oruhi rukuzire rw'entaama; ataine bwegyese na kakye, taragiire omu ishomero ekiro na kimwe omu magara ge, nk'oku turikumanya. Mwareeba? Ngugu yaija, okuruga omu ihamba, taraakirirwe nangwa na busha omu kituuti, kandi akeemerera aheeru okwo aha kyambu kya Yorudaani kandi yaatandika kweta abantu kwija bakeeteisa. Kiteekateekeho.

30 Baiburi ekagamba, ngu, "Buri kintu kiryaba kikuru munonga omu biro ebyo, nangwa n'okuhitsya obu emyanya etunguukire yoona eribandikwa, kandi n'emyanya y'ahansi yoona eryatunguurwa. Eego sebo." Kandi n'emyanya etaringaniire eryaringanizibwa." Ahabw'enki, ninteeberekira ndikubareeba aheeru okwo, barikuteekateeka ngu Yohaana akaba naaza kurugayo, nari owaabandiize okwija kwa Kristo ogu ow'amaani, kandi akwate eihamba ry'omusheenyi ryona reero aritereeze, kandi agaruke atemu obunyaatsi. Mwareeba?

Oo, bo, ninteeberekira bakaba batebeekaniise byona, nk'oku bakiine ebiro ebi. Kwonka, kikaba kyanguhi munonga, nangwa n'entumwa zikakihabaho. Bakagira bati, "Mbwenu, ahabw'enki Ebyahandiikirwe bigira, yaaba e . . . Nooyinamuka okwo okuheebwayo hati? Ahabw'enki Ebyahandiikirwe bigira ngu-ngu Eliya ashemereire okubanza kwija?

Akagira ati, "Akaheza kwija, kandi timurakimanyire. Kandi, Omwana w'omuntu, nibaija kukora ekintu nikyo kimwe. Kwonka, Yohaana," Yaagira ati, "akakora ekyabaire kimuhandiikirweho kukora. Kandi bakamukorera eki baabaire bashemereire kukora. Kandi," yaagira ati, "nikwo n'Omwana w'Omuntu ashemereire kubonabonesibwa."

Ahabw'enki, hakaba hatariho, ninteeberekira, kimwe kya kashatu ky'oruganda rw'Abayudaaya rwona orwamanyire ngu Yesu Kristo akaba ari omu nsi. Tara . . . Nibabaasa kuba baahuriire ahari omwe orikurengyesereza omu nyikiriza ye eifo okwo, kwonka tibarakitaireso mutima, bagumizamu. "Akaija ahari Abe kandi abaabaire bari Abe Tibaamwakiira."

31 Hati, aho niho ndikwikiririza nangwa . . . Hati, tikiragambire ngu Akaba naija bwesherekre. Kwonka Okutwarwa kuryaba omu mubonano. N'ahabw'ekyo ku kiraabe ekyo kyabaire kiri omubonano munonga, obu Yaija, Okutwarwa tikuryaba okurukirayo okutamanya munonga! Mwareeba? Tibarikimanya. Baryagamba

butsimba bati, "Mpaho, nintekateeka ngu tukaba tushemereire kugiraho Okutwarwa. Kandi shi ekifubiro eki kyona omu nsi?"

Aryagira ati, "Kwaherize kubaho, kandi timurakimanyire." Mwareeba?

Kiryaba kityo, nk'omushuma omu kiro. Nk'e-ekitabo eki naashomire, rimwe. Ekyo nikyetwa ki? Romeo na Juliet, ekyo nikyo kyabaire kiri, nari ekintu nanka? Akareka, akata eidaara aha rubaju rw'enju, omuringo gumwe. Nyebi... Hahweireho obwire burasingwa. Kandi yaija, yaakwata ow... okumwihamu omu bwire bw'ekiro.

32 Hati, ogwo nigwo muringo ogu ki-kiriba, kandi eryaba egyszire. Kitari ngu, baryayohereza ekibiina kya baamaraka ahansi, baine ebitiiho, reero baziikuure ebituuro. Baiburi ekagira eti, "Turyahindurwa, nangwa otakabaasize kuhumbya eriisho ryawe." Omu kaanya kakye, byona biryaba bihweire, jubajuba batyo.

Ogambe oti, "Omuntu akabura." Mpaho, nkateekateeka ngu ku twakubaasa kusherura omu nsi yoona, eriizooba, habaireho abantu magana ataano abarikubura kuruga omu nsi buri kiro, mwareeba, tibarikumanya kintu kyona aharibo. Nibagambwa, kuba babuzire. Mbwenu, tiharikuza kubaho baingi munonga abaraagyende omu Kutwarwa okwo.

33 Mbwenu, tindikwenda kubakanga, kandi ti-kandi ti-ti-ti-tindikuteekateeka ngu kiri kityo, kureka niinyenda kubagambira eki Yaagambire. Kandi nimukimanya, imwe mwenka. "Nk'oku kyabaire omu biro bya Noa, ei abantu munaana baakiziibwe amaizi. Abantu munaana kuruga omu nsi, baakiziibwe amaizi.

Mbwenu, noogira oti, "Oo, mugyenzi! Tihariho ekirikunyetaagisa kugyezaho." Ekyo nikyoreka ngu toine kwikiriza okwo oku orikwetenga. 71.Ku haraabe harikuza kubaho omwe, ogwo naija kuba nyowe, amiina, 'habw'okuba niinyikiriza. Mwareeba? Ogwo nigwo muringo ogu oshemereire kukiikiriza, mwareeba, "Abe nyowe." Buzima. Niinyenda kutuura haihi Nawe munonga, ndikumanya ngu Naaza kuntwara ku Araiye. Ninkiikiriza. Ekyo kihikire. N'ahabw'ekyo ku haraabe... Omuntu ondijo weena ku yaakutsigara, niinyija kubayo, ahabw'embabazi Ze. Habw'okuba, ekyo Akakindagaanisa, kandi nimmanya ngu niinyija-niinyija kubayo, 'habw'okuba Tabaasa kubeiha. Kandi nimmanya omutima gwangye n'amagara nibihamya, kandi ningyezaho kutuura obutoosha orikushusha oti Naija, n'ahabw'ekyo ni-niinyija kuba ogwo. Ogwo nigwo muringo ogu oshemereire kwehuriramu, "Ku baraabe barikuza kuba munaana, niinyija kuba omwe ahari abo munaana; nibaza kuba magana ataano, niinyija kuba omwe ahari abo magana ataano. Tindikumanya ebikwatiraine n'omuntu ori, kureka niinyenda kuba omwe ahari abo magana ataano." Mwareeba?

Ogwo nigwo muringo ogu oshemereire kwijuka. Mwareeba? Kandi waaba otakijukire batyo, hariho ekirikuba kigwire aha kwikiriza kwawe. Mwareeba? Tokahamize ku ojunirwe na hati, obwo. Nookiteeberezaho kusha. Ekyo otakikora.

34 Ni kirungi. Titurikuza kuhika omu Kamanyiso aka, tikwo? Ni kirungi. Niinyenda, buri kiro... Tindikumanya yaaba naabamarira obwire. Nitubaasa kushohora kareho. Tihariho...

Om u kushuuura kw'obu, kw'Obumanyiso obu, mwijukye, buzima ni omushororongo gumwe gwonka. Ogw'okubanza, nigugamba okurangirira kw'ako, omushororongo gwa 2. Haihi ebitabo ebirkushoboorora byona, n'ebindi nk'ebyo, okugushoma, nari-nari okushoma ebiteekateeko byabo, kandi ntwire-burijo ntwire niinyikiriza nka haihi boona oku barikwikiriza, ngu ogwo otembire embaraasi ow'okubanza ekaba eri-ekaba eri ekanisa ya kare. Kwonka Omwoyo Orikwera ku akishuurwire, kihindukiire kimwe ahari ekyo. N'ahabw'ekyo, ekikirikukora, n'okworeka eki kiri. Reero bwanyima ngyezeho...

35 Hati, ahariinye, ekyo n'ekirikwera munonga. Egyo niyo nshonga erikutuma nkayenzire munonga okugarukamu ebibuzzo ebi. Mbwenu ka tukitungye, buri mutu arikumanya ahonaaho, kandi n'aha ntambi z'amaraka, nazo, ngu nibaija kwetegyereza hati. Mwareeba? Ngyerizeho kugamba akaanya kakye, nyekiro, okuha omusingye, okureetera abantu... Okutaahamu n'obwira kandi n'okutaahamu nootsindikana, kandi, ekyo t'oshemereire kukikora. Mwareeba? Kwonka ku kirikukorwa, n'eky'obuntu. Kandi nihootsyu omu-omunda hanu, kandi timu-timutebeekeine. Kwonka mutwire muri barungi, munonga munonga. Oku ndareebire abantu nibatwaza kurungi okukirayo omu tabirinaakuru egi, rubaire oruteerane oru; kandi n'okushutama muhunami, kandi na ba nyina b'abaana barikutwara abaana baabo omu kishengye ky'abaana baatandika kurira. Kandi na buri kintu kitwire kiri kirungi munonga.

36 78.Kwonka ningyezaho kukiha omusingye okuhitsya obu ndikwehuriramu okushukwaho kw'Omwoyo ahariinye, okugamba ebigambo ebi, ebinshuuuriirwe. Reero bwanyima ku ndaabe nyine, ahantu, ndikukora ekyo, ku ndaabe nkozire enhobe hanu, buzima hanu omu maisho g'abantu boona Naija kugingororera. Ni-ninkyenda. Ni-ni... Ninkyenda kiri ekihikire. Tihariho ekyetengo ky'okutwara eki waateekateeka. Hariho ekintu ekihikire, kandi-kandi nitwenda Ekyo. Nitwenda Ruhanga ngu atuhe ekihikire.

37 79.N'ahabw'ekyo hati tutwaire eki, abatembire embaraasi aba, nk'oku barikurugayo. Embaraasi y'okuanza hati, kandi nitwetegyereza ngu ogwo akaba ari-ari antikristo owaagyenzire. Reero bwanyima nitushanga ngu, ekiro ekihweire, ngu omuntu ogwo niwe omwe owaagyenzire nka antikristo, nk'embaraasi erikwera, tumushangire aine rurara, ekiro ekihingwire, atembire embaraasi, kandi naita abantu.

Hati, hati, burijo habaho eky'obuhangwa bw'obutoosha kandi n'eky'omwoyo. Kandi ahaw'okuhwera Ekanisa, niinyenda kushushanisa, tutakahikire aha kubambuurwa kw'Akamanyiso aka. Eki, eki Ampaire, nkihandiikire hanu. Nyine Ebyahandiikirwe bingi hanu, empapura mushanju nari munaana zaakyo, kandi nk'oku ndikubijuriza. 82.Mwetegyereze, niinyenda kuha ekirikushushanisa, eky'Ekanisa, kandi nkyorekyere kimwe kugira ngu mwije kuteekwa kukireeba. Mwareeba?

38 83.Hati, hakaba hariho omugore ow'obuhangwa bw'obutoosha omu kibanja kya Edeni. Nimwijuka ekiro ekihweire? Omugore ogwo ow'obuhangwa bw'obutoosha, akaba ari omurigirwa wa Adamu, atakabaire mukazi we, 'habw'okuba akaba atakamumanyire nk'omukazi we. 84.Nka Mariamu oku yaabaire ari muka Yosefu, kwonka akaba atakamumanyire nabwo. "Akareebwa aine enda." Mwareeba? Hati, Adamu atakamumanyire omukazi we, akaba ari omugore ahariwe kusha. Nikwo kiri. Kandi nitushanga ngu Ruhanga . . . Haawa, akagwa omu kibanja kya Edeni ahaw'okuba akaremwa kuramatira aha Kigambo kya Ruhanga.

39 Hati, Akaba naamanya ngu Sitaane akaba naaza kurekurwa ahagati yaabo, n'ahaw'ekyo Akabaha omwanya gw'okugumamu; Akabateeraho orugo rw'okubarinda. Mbwenu, aho, n'oha owaakubaasize kumanya omwanya ogurukukirayo oburungi gw'orugo rw'okubarindiramu, okukira Ruhanga, ku Araabe naagyezaho okureeberera abaana Be? Ku naakubaire niinyenda kureeberera Yosefu wangye omuto, mbwenu, ow'eishe-emwe, buri kintu . . . Kandi nkamanya ngu amagara ge nikyo geegamiire, ahaw'enki, nka- . . . kandi ndikubaasa kukikora. Mpaho, yaaba ekisiika kya fuuti makumi ana, kigumiibwe n'emtahimbwa, kyaku-kyakubaire ekintu ekyakubaire nikikikora, nikyo. . . Nkakikozire fuuti makumi mwenda, kwenda ngu mpamye, ekyo.

Kandi ku ndaabe nimbaasa kuteekateeka ekyo ahari mutabani wangye omuto, (eki, amagara ge ag'obuntu agahwaho ku gaakubura, niinyikiza omwana akaajunwa,) obwo tikirikukiraho munonga, ahari Ruhanga, aha mwana We owaakuburiire kimwe Ebiro n'ebiro! Amute enyima y'oburinzi ki? Akamuta enyima y'oburinzi bw'Ekigambo Kye Kyonyini. Obwire bwona obu oraabe ori omuri ekyo Kigambo, orinzirwe. "Ku muraagume Omuriinye, n'Ebigambo Byangye omuriimwe, obwo mushabe kyona eki murikwenda." Nikyo ekyo, Ekigambo.

40 N'ahaw'ekyo, Haawa yaatandika kugyendagyenda omu kibanja, kandi yaabugana egoye njoka, eri nk'omuntu omunyabwengye munonga. Kandi Haawa . . . Kandi enjoja yaatandika . . . Hati, akaba ari aha rubaju ruri. Ruhanga atuura, aikara, akorera omu bucureezi, ti omu gundi muhanda. Mwareeba? Hati, omukazi mukye, omucureezi naagyendagyenda okwo, kandi Sitaane yaija nk'omunyabwengye, omunyabwengye omu kubeihabeiba, omuntu omukugu. Kandi akaba naayenda kuguza Haawa egoye puroguraamu. Obwire bwona obu . . . Ti nshonga ni bwire burikwingana ki Sitaane obu yaabaire amara aho; obwire bwona obu Haawa yaabaire aguma enyima y'Ekigambo, akaba arigye. [Ow'eishe-emwe Branham yaateera ahari Baiburi ye -Omur.] Mwareeba? N'ahaw'ekyo, murekye Sitaane akore eki arikwenda kyona; mugume n'Ekigambo. Tikirikureetaho entaaniisa yoona.

Ku araagire ati, "Ahabw'enki, orwaire."

"Ahabw'emihiririzi Ye nkizire."

"Mbwenu, noija kufa."

"Aryanzoora. Akakiragaanisa."

41 Mwareeba, mugume enyima y'Ekigambo. Nikyo Ekyo kyonka. Kristo akahungira aha Kigambo, We wenka. "Kikahandiikwa." Mwareeba? Hati, mugume enyima y'Ekigambo. Kwonka, Haawa, akatandika kunagaijura, kwonka tarabirugiireho kimwe byona. Akanagaijura ebigambo bikye byonka. Kandi ekyo nikyo Sitaane yaabaire naayenda ngu Haawa akore. Sitaane akamwiha enyima y'okuragaanisa kwa Ruhanga, ahaw'okuhaajaana. Otarigyezaho kuhaajaana aha Kigambo kya Ruhanga. Mukikirize kwonka! Mwareeba? N'ahaw'ekyo, Haawa akarugayo Okwo. Kandi Adamu atakamuhikireho, nk'omukazi we, Sitaane akaba yaaherize kumushiisha. Kandi Haawa aka . . .

Kandi mwetegyereize? Kristo akakora ekintu nikyo kimwe, buzima. Hati, ahaw'okucungura, Ruhanga akaba naateekwa kubanza kubayo. Mukyetegyereize? Mariamu, atakaizire ahari Yosefu, Omwoyo Orikwera akaba yaahikireyo. Amiina. Mwareeba? Aho niho Omucunguzi yaarugire.

42 Hati, mbwenu mwetegyereze, omukazi w'obuhangwa bw'obutoosha akagwa, reero Ruhanga yaamuteeraho omuhanda kugira ngu acungurwe. N'obu araabe yaagwire, Akataho omuhanda. Hati, ogwo akaba ari omugore w'okubanza omu nsi, akagwa, we na iba batakataasyeine. Haawa akagwa, ahawwa-ahawb'enshonga y'o-y'okuhaajaana, omu mwanya gw'okuguma n'Ekigambo. Haawa akagwa. Kandi akagwa yaafa, okutaana ebiro n'ebiro. Hamwe nawe, akatwara iba kandi na buri kintu kyona ekindi ekyabaire kiri omu nsi. Akagwa!

43 Hati, kwonka, Ruhanga, aijwire esaasi, akataho omuhanda gw'okucungura omukazi ogwo. Kandi hati Akamuragaanisa, naamugambira ngu obwire bumwe, omu biro by'omumaisho, Ekigambo ky'amazima kikaba nikiza kumugarukira. Ekigambo ky'amazima kiriyamumanyisibwa. Hati ekyo mukiijukye. Habw'okuba, Akaragaanisa Kristo, okurabira omu mukazi. Kandi Kristo niwe Kigambo.

Yohaana Orikwera 1, "Bwa mbere na mbere hakaba hariho Kigambo, kandi Kigambo ogwo akaba atuura na Ruhanga, kandi Kigambo akaba ari Ruhanga. Kandi Kigambo yaaba omuntu," mwareeba, "kandi Yaatuura

naitwe." Ruhanga akatuura naitwe omu muntu. Akaba ari Kigambo. Kitakabaire Ekigambo, ni ekiteekateeko. Kandi ekiteekateeko nikiteekwa kuhangwa. Ni kirungi. N'ahabw'ekyo, ebiteekateeko bya Ruhanga bikaba ebihangirwe ku byagambirwe, n'Ekigambo. Obwo nibwo Ara-Araakikureetere nk'ekiteekateeko, ekiteekateeko Kye, reero kikakushuuruirwa. Bwanyima, nikiguma kiri ekiteekateeko okuhitsya obu oraakigambe.

44 Egyo niyo nshonga . . . Musa akagyenda kushaba. Egyo Nyomyo y'Omuriro emwetooroire, reero Yaagira ati, "Irooko, obange enkoni yaawe ogyorekyereire burugwa-izooba, kandi ogambe, oyete 'enshohera.'" Hakaba hatariho nshohera. Kwonka akagyenda yaabanga enkoni okwo, kandi yaagira ati, "Ka habeho enshohera." Obwo, hatariho enshohera na kakye. Akagarukayo. Kwonka ebigambo, ebiteekateeko bya Ruhanga, bikaba byaherize kugambwa. Ni Ekigambo, mbwenu nikiteekwa kubaho.

45 Mbwenu timurikureeba ahu Yesu yaagambire? "Ku muraagambire orushozi oru; kitari ngu ku Ndaakigambe. Kureka imwe mugambire orushozi oru, 'tsinduka."

Kandi ekintu ky'okubanza, ninteebereza, omu biro bya Musa, enshohera ya kinyaatsi mpango nkuru yaatandika kujunjuuta. Reero, ahanyima y'akaanya kakye, zikaba zirikwingana raatiri itaano buri yaadi. Mwareeba? Zikaruga nkahi? We . . . Ruhanga akazihanga. Timurikureeba oku . . .

Ruhanga naabaasa kuhwerekyereza ensi egi ekiro eki, hamwe-hamwe n'obutonera, Yaaba naakyenda. Mpaho, Naabaasa kurundaana obutonera okuhika aha kwezi. Ekintu kyonka eki Arikubaasa kukora n'okugira ati, "Ka habeho obutonera, okuhika aha kwezi." Kikaabaire ekyo kyonka. Hatariho mubazi nari ekintu kyona, bukaaguma nibweyongyera kukanya, nibweyongyera kukanya, nibweyongyera n'okugumizamu. Mwareeba?

46 Naabaasa kukora eki Arikwenda. Ni Ruhanga, Omuhangi. Ekintu eky'okukora kyonka n'okukigamba. [Ow'eishe-emwe Branham yaateera enkomyo n'orukumu -Omur.] Ekyo kihikire. N'Omuhangi. Hati, ku twakuhika aha kwetegyereza oku Ari mukuru! Mwareeba? Naakora eki Arikwenda. Ashutama ahaiguru okwo kandi areeba abantu, kandi n'aba beegyesa bakte, abarikwekora abanyabwengye munonga, kandi bat, "Tihariho Ruhanga," kandi-kandi na buri kintu. Ha! Ahabw'enki, omurundi ogundi kiri nk'oku baabaire ahari Babeeli, Babeeli, Nimmanyisa.

Hati nitwetegyereza ngu Ruhanga akagambira Haawa, ngu, "Ahanyima y'obwire buraingwa, Ekigambo nikibagarukira." Hati, Haawa akagwa ata? Niinyenda kiraasi yangye ekigambe. Haawa akagwa kuruga ahari ki? Haawa akagwa kuruga ahari ki? Ekigambo. Ekyo kihikire? [Abateeraine bat, "Ekigambo"-Omur.] Ekigambo. Kandi Ruhanga akagira ngu Aryataho omuhanda gw'okumucungura kumugarura aha Kigambo omurundi ogundi. Ni kirungi. Ahanyima y'obwire buraingwa munonga, Ekigambo kikaba nikiza kumumanyisibwa. Ni kirungi. Ekigambo kikaba nikija ahabw'ekigyendererwa kimwe hati.

47 Mukwate muhamye hati, eki ndikugamba. Ekigambo kikaba nikija kumwizira ahabw'ekigyendererwa kimwe, ekyo ni ahabw'obucunguzi. Ni kirungi. Kwonka, okuhitsya-okuhitsya obwo, akaba aine eky'okuza omu mwanya gwe ekyabaire-ekyabaire nikiza kukora okuhitsya obwire obu bwahikire bw'Ekigambo ekyabandize. Hati nimwenimwetegyereza gye? [Abateeraine bat, "Amiina."] Mwareeba?

Akamugambira ngu Ekigambo kikaba nikija kumugarukira omurundi ogundi, kwonka, okuhitsya obwire obwo, Akamuha eky'okuza omu mwanya gwe okuhitsya obu obwire obwo bwahikire. N'ahabw'ekyo, Akamuha ekitambo ky'okuhayo, eky'okuza omu mwanya gw'egyo Shagama. Hati, eshagama ekaba eri ey'enimi n'entaama, kandi n'embusi n'ebindi, kwonka teriihireho ekibi kye. Mwareeba? Ekashweka ekibi kye kwonka. Terakiihireho, na kakye. Ekakishweka. Ahakuba, ekaba eri eshagama y'enyamaishwa, kandi omu shagama y'enyamaishwa nimwo amagara g'enyamaishwa gari. Ekaba eri eky'okuza omu mwanya gw'ekindi okuhitsya obu ekihikire . . . Hati mujware ekooti zaanyu. Eshagama y'obuntu, ehikire, nk'oku abantu baakubaire, ekaba omuntu (Ruhanga); hatariho okwegaita hamwe kw'omushaija n'omukazi, oshugaine, okuzaarwa oshugaine kukareetaho ekyo.

48 Hati Ekigambo kya Ruhanga, okuragaanisa, kikaba Eshagama, kandi kyataaha omu Muntu Yesu Kristo Omujuni. "Eshagama y'enimi n'embusi, n'ebindi nk'ebyo . . ." Kwonka hati murindeho. Hanu Ruhanga akaragaanisa, naagira ngu kikaba nikiza kubaho ku Kiraije, "Oruzaaro rwa Haawa rushemereire kuteera omutwe gw'enjoka." Hati, oruzaaro rwa Haawa ku rwakwizire nk'okuruga ahari Adamu, nari nk'oku kyabaire kiri okuruga aha njoka, n'ebindi nk'ebyo, obwo nabwo rukaabaire oruzaaro orurimu ekibi.

Egyo niyo nshonga eyaaririze Yohaana. Hakaba hatariho muntu, ahabw'okuba tihariho muntu . . . buri muntu akaba ari seeri, orubaju ruri rw'orusa, rw'enengo. Kwonka obwire nibwija obu egi shagama y'enyamaishwa ey'okuza omu mwanya gw'ekindi eraije kwiwhaho, obu Eshagama ehikire, eri omu muntu eraije: Ruhanga, ahindukire omubiri n'Eshagama. Baiburi ekagira ngu nikwo Yaabaire ari. Timoseo y'okubanza 3:16, "Hataraho kubangaanisa enaama (y'obwaruhanga) y'ediini yaitu ku eri nkuru buzima, erikugira eti: (ahakuba Ruhanga) Akoorekwa aine omubiri." Ekyo kihikire. Okuzaarwa oshugaine kukakora eki.

49 Hati, eshagama y'entaama n'embusi ekaba eshweka ekibi, kwonka ekaba etarikukiihaho, ahabw'okuba ekaba eri eshagama y'enyamaishwa. Kwonka ekaba neeza kuba gye, ekaba eri ekirikuza omu mwanya gw'ekindi. Kandi buzima baka-bakamanyiira ekyo eky'okuza omu mwanya gw'ekindi. N'ahabw'ekyo bakagumizamu. Kandi, ku, Ekigambo ekyaragaanisiibwe, ekihikire kyayorekirwe omuri Yesu Kristo, Owaahamiibwe kuba Omwana

w'Omuhangi mukuru, Ruhanga; kandi Akoorekwa, We wenka, ahabw'okuba Ekigambo kya Ruhanga ekihuriire. Whew! Mugyenzi! Akahamya ku nikyo Yaabaire ari. Akaba naabaasa kugamba ebinto bibaho.

Tihariho omuntu, nari-nari tihariho na busha omu nsi, ekyakubaasa kukikora. Tihariho ekintu omu nsi ekirikubaasa kuhanga, kureka Ruhanga. Sitaane tarikubaasa kuhanga. Norikukiikamya ekyo ekyahangirwe, kwonka tarikubaasa kuhanga. Ekibi ni okuhikiirira kukiikamisiibwe kwonka. Nimumanya eki ndikumanyisa. Ekishuba ni ki? N'amazima agagambirwe kubi. Mwareeba? Obushambani ni ki? Ekikorwa ekihikire omu biragiro kikiikamiisiibwe. Buri kintu omu kibi, ekibi ni Amazima agakikiakamisiibwe.

50 Hati, tarikubaasa kuhanga. Kwonka Kristo ku yaizire, akahamya ku Yaabaire ari omuhangi. Egyo niyo Shagama eyaabaire eragaanisiibwe. Hati ku muraabe nimwenda kushoma ekyo, mu . . . Reka tubikuure ahabw'edakiika. Nituza kutwara obwire ahari eki, n'obu kiraabe, omwebazyo ogu. Ni . . . Nikindeetera kutiina. Nintekateeka buri muntu naayenda kutaaha, nimumanya. N'ahabw'ekyo ni . . . [Abateeraine baagira bat, "Ngaaha." -Omur.] Hati ka tukwate Ebyakozirwe 2. Mwebare. Kandi nitwija . . . Ebyakozirwe 2, kandi nitwija kureeba yaaba eki kihikire, nari kitahikire, yaaba Yaahamiibwe ku Ni Ruhanga. Ni kirungi. Mukwate Ebyakozirwe 2. Hati ka tushome hanu aha mushororongo gwa 22, Petero naagamba, aha kiro kya Pentekoote.

Imwe bashaija ba Israeli 'mwe, muhurire ebigambo ebi. Yesu owa Nazareesi, omushaija ou Ruhanga yaabahamiize n'emirimo mikuru . . . eby'okutangaaza n'akamanyiso, ebi (Ruhanga) yaamukoreise ahagati yaanyu, nk'oku muri- . . . nai- . . . mwabyereebiere,

51 "Omushaija owaahamiibwe, ngu akaba ari Ruhanga omuriimwe." Ahabw'ebintu byonyini ebi Yaakozire, bikahamya ngu Akaba ariwe. Petero ngugu, ayemereire omumaisho g'Orukiiko rwa Sanihedurini, naabagambira. Nikodemus akaba naamanya ekintu nikyo kimwe. Akagira ati, "Rabi, twena nitumanya ku Ori omwegyesa owaarugire ahari Ruhanga, 'habw'okuba tihariho muntu orikukubaasa kukora ebintu ebi kureka yaaba arugire ahari Ruhanga." Mwareeba? Bakaba nibakimanya. Kwonka ahabw'enki?

52 Hati mureebe. Hati, Haawa akaragaanisibwa eki. Kwonka ku . . . Omugore ogwo akaja yaashuumma, kandi yaayanga, Ekigambo ekihikire ku kyamwiziire. N'ahabw'ekyo, omukazi akanga kwetegyereza; omugore Omuheburaayo. Ahakuba, akaba ari omugore wa-wa Ruhanga; Akamubinga, omu kushenda. Ekyo kihikire? Akaba ari omugore wa Ruhanga.

Noogira oti, "Mpaho, bakaba nabwo batakataasyeine." Ekyo kihikire. Kwonka Yosefu akabinga Mariamu bataka . . . Akaba naaza kubinga Mariamu batakataasyeine. Mwareeba? Yosefu akaba naamugamba obugyenyi.

Kandi ku Yaizire, kandi n'Ekigambo eki Yaaragaaniise, yaija aha bugyenyi bw'okugaitwa, Akamushanga ayefubikire omu bitari ebye, kubi munonga, okuhitsya obu yaabaire atarikuza kutwara okuragaanisa okuhikire okwabaire kuhairwe, Ekigambo, Kristo.

53 Obundi timurikuyetegyereza. Hati kankirabemu omurundi ogundi. Niinyenda ngu eki mukikwate, mwareeba. Akaba aragaanisiibwe, (omugore, Haawa), kuba omucunguzi. Omucunguzi we akaba naaza kuba Ekigambo. Kandi Ekigambo ku kyaizire, kyaba omuntu, Akakyanga. Akaheebwa ebindi omu mwanya gwakyo. Hati mugumye ekyo "ekindi ekitarikyo." Kuheebwa ebitaribyo kugumizamu okuhitsya obu Omucunguzi araizire. Kandi Omucunguzi ku yaizire, akaba naayenda kugumizamu n'ekye ekitari kyo, kandi yaayanga Ekigambo ky'amazima. Mwakireeba? [Abateeraine baagira bat, "Amiina." -Omur.] Kandi ogwo akaba ari omugore Omuheburaayo. 127 Nikwo Yaakozire, ahabwa Haawa wa kabiri, omugore, nyina w'ebi'omwoyo byona ebihuriire. Mwareeba? Haawa nikimanyisa "nyina wa boona," ogwo n'omwoyo- . . . "boona abahuriire." Haawa, "nyina w'abahuriire boona."

54 Hati, kandi ku Yaahikire aha mugore Omuheburaayo, akaba ari nyina wa boona abaabaire bahuriire, ogwo mugore Akakyanga.

Haawa ow'obuhangwa bw'obutoosha akagwa, omuri Edeni, ahabw'okuhurikiza okuhaajaana kwa Sitaane aha Kigambo kya Ruhanga. Okwo nikwo yaagwire. Eego, sebo. Akagwa ahabw'okuba akakora ekyo. Haawa w'Omwoyo, hati, egyo n'ekanisa, Omugore wa Kristo. Akagwa, atari omuri Edeni, kureka omuri Rooma, mwareeba, omu Rukiiko rwa Niika, obu yaayanga. Egyo kanisa y'Ekipentekoote eyaashuumire Niika, kandi ekahurikiza okuhaajaana kw'Abarooma, omu mwanya gw'okuramatira aha Kigambo, ekagwa. Kandi buri kintu ekyabaire nikimurugaho, kikafa nawe, okumwetooroora.

55 Hati, nk'oku Haawa ow'obuhangwa bw'obutoosha yaagwire, Haawa w'omwoyo akagwa. Omugore wa Ruhanga akagwa-akagwa omu kibanja; Omugore wa Kristo akagwa omuri Rooma. Mwareeba? Mwetegyereze, ahabw'okuhajaana nikwo kumwe, arikuhakanisa Ekigambo kya Ruhanga, nawe akafeerwa obugabe bwe bw'oburungi bw'omu mutima, ahari sitaane. Eki, tuzoire omu kubambuura Obumanyiso obu, ngu ogwo akaba ari Sitaane, kandi na hati akiri Sitaane aho. Baiburi ekagira ngu nikyo kitebe kyonyini kya Sitaane.

Kandi nk'oku Haawa yaafeereirwe obugabe (rights) bwe-bwe bw'oburungi bw'omu mutima, kandi akabuha Sitaane, omu kibanja kya Edeni; ekanisa, omugore wa Kristo, ekakora ekintu nikyo kimwe omuri Rooma, obu yaafeerwa Baiburi ahabw'ebigunjano byayo n'okuhaajaana.

Mwareeba oku kirikushushanisa? [Abateeraine baagira bat, "Amina." -Omur.] Mukuratiire ebirikushushanisa ebyo, nimuteekwa kikitunga kihikire. Omukono gwangye ku guraareebekye nka. . . Ku ndaabe ntakeereebaga, kandi nkareeba ekicuucu kyangye nikija, niinyija haihi kumanya oku ndikushusha. Mwareeba? Kwonka, ogwo nigwo muringo. Ku oraabe nooyenda kureeba ekirikwija, reeba ekitwireho. "Ahakuba. . . ebantu ebya ira byona bikaba biri ebicuucu by'ebantu ebiriija," Baiburi nikwo yaagambire. Ni kirungi.

Ahakuba, akafeerwa Ekigambo kye kirungi, Ekigambo kya Ruhanga, obu yaaguza Baiburi, kandi akatamu omuntu okwo orikugira ngu ekanisa eine obugabe kuhindura ekintu kyona eki yaayenda kuhindura. Kandi bakakikora. Kandi omugore wa Kristo, omugore Omupentekoote, akaguza oburungi bwe, ahari Niika, nk'oku Haawa yaagurize oburungi bwe ahari Sitaane omu kibanja kya Edeni. Buzima. Ni kirungi.

56 Ruhanga aragaaniise; ekanisa egi, ekanisa y'Abapentekoote egi, arikumanya ngu neeza kukikora; nk'oku Yaakozire Haawa, Ruhanga aragaaniise. Ekanisa y'Abapentekoote, nimwikiriza ngu ekaguza obugabe bw'okuba omujigaijo bwayo, etaka . . . Oburungi bwayo, obu yaaruga okwo? Ekyo nimukiikiriza? [Abateeraine bat, "Amiina." -Omur.] Yo, buzima, ekabuguza. Kyaba kiri kityo enyikiriza y'ediini erimu karungi ki, eetegamiire Baiburi egi?

Niinyenda omuntu kuzoora ekirkwetwa Enyikiriza y'Entumwa, nari ekigambo kyayo omuri Baiburi. Egyo n'enyikiriza y'Abakatoriki, ti nyikiriza y'entumwa. Mushome Ebayakozirwe 2:38, egyo niyo Nyikiriza y'entumwa, ku Araabe haine ei aine. Yee. Mwareeba? Hati, egyo niyo baakoreise obwire bwona, n'obu kiraabe. N'ahabw'ekyo ku oraabe . . . Mwareeba?

57 N'ahabw'ekyo, bakaguza obugabe (rights) bwabo bw'omujigaijo. T'ekyo kyonka, Abametsodisiti, Ababaptisiti, Abapuresibateeri, Abapentekoote, n'abandi abaatsigara, bakozire ekintu nikyo kimwe. Ekakora ekigombe ky'ediini. Rooma, n'enki ekyagireeteire kukora ekyo, ekakora ekigombe ky'ediini kandi yaataho omuntu kuba niwe yaaba omutwe gwakyo. Kandi n'Abametsodisiti, Ababaptisiti, Abapentekoote kandi na buri omwe, bakozire ekintu nikyo kimwe, kuta ekibiina ky'abantu okugyebembera.

N'obu Ruhanga yaakugamba ki, niba . . . Oshemereire kukikora omuringo ogu baakikugambira. Mpaho, niki? Ti kindi kintu kureka obushambani bw'omu mwoyo, ekirkushushanisa ekigwire ky'omukazi; eego, sebo, enyikiriza z'ediini, enyikiriza ezirikubeihabeisha, ezigunzirwe omuntu. Bwanyima yaaba, ku yaakozire ekyo . . . Hati eki niinyija kukihamya. Ekaba maraaya, ahari Ruhanga. Nimwikiriza ngu Baiburi ekyo neekigamba? Eego, sebo. Bahara be bakozire ekintu nikyo kimwe.

58 Hati omu kitabo ky'Okushuururuwa 17, ku muraabe nimwenda kukihandiika. Yohaana akatwarwa omu Mwoyo, "Kandi yaareeba maraaya omukuru ashutami aha . . ." Kandi tukishomire ekiro ekihweire. Kandi habaire hariho obubungo mushanju, kandi buzima eki yaabaire akozire. Kandi akaba ahaire ensi okusiisikara kw'obushambani bwe. Ekyo kihikire? "Kandi abagabe boona ab'ensi bakashambana nawe," okuryangatanisa, n'okwiba, n'okubeiha, n'okushashurira okweteisa, na-na zaanovena, na buri kintu kyona ekindi.

Mpaho, hati mwijukye, akaba aine abahara. Mbwenu, ku araabe yaabaire ekibiina, kandi ari ahansi y'entwaza y'ekibiina ky'ediini, obwo entwaza yoona egwire. Kandi Haawa ku araabe, omu kugomera Ruhanga, yaanagire buri kintu omu kufa, ekyabaire kiri ahansi ye; kandi buri kanisa erikwekoramu ekibiina, neenaga buri kintu omu kufa, ahansi yaayo. Buzima. Ekintu kyona kihweire. Ekyo buzima kiri nk'oku Ekigambo kiri hanu.

59 Mushome Okushuururuwa 17. Kandi Baiburi ekagira ngu Akaba naaza "kumwotsya n'omuriro, kandi n'abaana be boona bari nawe." Ekyo kihikire. Ekyo nikimanyisa, buri ntwaza y'ekibiina ky'ediini eryaatsya, hamwe na maraaya. Hati, ekyo nikihurirwa kishoboorokire gye, kandi ni-nimmanya nimuza kukihurira, kandi ni-niinyenda kukihurira. Kandi ni-ni . . . Ekyo kihikire, n'obu kiri kityo. Baiburi ekagamba etyo, n'ahabw'ekyo ekyo nikikireetera kuba ekihikire.

Akaba "maraaya." Nimubaasa kukishoma omu kitabo ky'Okushuururuwa, eshuura ya 17. We, akakora ki? Akashambana, yaarebya iba. "Mpaho," nimugira muti, "ngaaha, egyo ni Baiburi." Ekigambo ni Ruhanga. Kandi ku oraatware ekintu kimwe . . . 143 Okaayenzire ngu omukazi waawe anywegyere ondijio mushaija? N'obu yaakuba atakozire ekirengire ahari ekyo, tokaayenzire ngu akikore. Akaahamya obutaba mwesigwa. "Omuntu weena Orakicwaho Ekigambo, nari Akakyongyeraho ekigambo." Haleluya!

60 Kristo naayenda Omukazi We ashemeire n'Ewigambo. [Ow'eishe- emwe Branham yaakongoota aha kituuti emirundi ena. -Omur.] Okwo nikwo Arikuteekwa kuba. Habw'okuba, tihariho kintu, n'obu kaakuba akatoonyezi kamwe, nari enyuguta emwe, nari ekintu kyona, nari akacweka kakye munonga, akarihwaho aha kiragiro ekyo, nari kuruga omu Kitabo ekyo, okuhitsya obu Byona birihiirizibwa. Yesu akagira ati, "Byombi iguru n'ensi biryahwaho, kwonka Ekigambo Kyangye tikirihwaho." Otakitaho enhoboorora yoona nk'oku orikweyendera. Naayenda oshemeire, otajwangiremu, hatariho nangwa n'okuhangisa. Tinkaabaire niinyenda omukazi wangye okuhanga n'ondijio mushaija. Kandi waatandika kuhurikiza omuringo gwona ogw'okuhaajaana, okurenga ahari Ekyo, noohurikiza, ohangire na Sitaane. Amiina! Tikirikubareetera kwehurira mwataaha omu mwoyo? [Abateeraine baagira bat, "Amiina." -Omur.] Ruhanga naayenda ngu ogume oteejwangize. Ogemire kimwe aho n'ekyo Kigambo. Gumira kimwe Nakyo. Ni kirungi.

61 Ruhanga akamuragaanisa, nk'oku Yaakozire Haawa omu kibanja Edeni, ahari Haawa ow'aha muheru hanu. Eki, ekanisa y'ekipentekoote, entandikiro y'ekanisa, ekanisa yo yonka, niyo nyina w'abantu boona abahuriire, ahabw'okuba, obwire bwona obu barikutaahamu okwo. Kwonka, nimureeba, ku baraataware ebibi bye, nibafa nawe.

Hanu nihaija omuntu mukye aho. Agire ati, "Ni-niinyenda kuheereza Ruhanga."

Nibagira bati, "Mpaho, eki nikyo oraakore. Shuuma eifo okwo reero oyeteise."

"Ni kirungi, ninza kukikora. Ruhanga aheebwe Ekitiinisa!" Shuuma eifo okwo, oyeteise.

"Hati mwije mutwegaiteho."

Aho, reeba nkikyo. Uh-huh! Mwareeba? Ekyo kikagikwata. Huh! Ekyo kihikire, ekafa nakyo. Mwareeba? Mwareeba? Ekyo ni... Ekyo nikyo Ekitabo eki kirikwegyesa, mwareeba, tikiri eki ndikugamba. Ahabw'okuba, nikwo kirikugamba, Hanu. Ni kirungi.

62 Hati, Ruhanga amuragaaniise, nk'oku Yaaragaaniise Haawa. Akagambira Haawa ku haabaire nihaija obwire obu Eki-Ekigambo kyabaire nikiza kumwiziira omurundi ogundi. Hati ekyo nimukijuka? Eki yaaburize, kikaba nikiza kugarurwa busya. Habw'okuba, hariho Ekintu kimwe kyonka ekirikubaasa kugarura busya, kandi ekyo n'Ekigambo. Buzima.

Nkagamba, rasha embundu; waaba otateire ekimaasho, sherura ahu riteishukiire. Oshemereire kugaruka enyima aho kandi okagaruka okatandika. Mwareeba? Kandi ku oraagarukye enyima, nooza Niika. Okwo niho orikugaruka okatandikira, mwareeba. Mugarukye enyima, muze hare n'ebibiina by'amadiini ebyo, murugye aha kanisa egyo yoona.

Tutwire nitureeba Obumanyiso obu buhikiire kimwe. Nkaba ntuura nintangaara, obwire bwona bw'amagara gangye, ahabw'enki naabaire nimpakanisiza kimwe entwaza z'ebibiina by'amadiini. Ti bantu, ngaaha. Abantu bari nkaanye nari iwe, nari ondijo weena. Kwonka entwaza egyo, egyo ntwaza y'ekigombe ky'ediini, hati ningireebera kimwe hanu. Nkaba ntarikukimanya okuhitsya hati. Kandi ekyo kihikire.

63 Ruhanga akaragaanisa Haawa ow'omwoyo, nk'oku Yaaragaaniise Haawa ow'obuhangwa bw'obutoosha, ngu omurundi ogundi Ekigambo kikaba nikiza kumugarurirwa busya. Omu biro by'aha muheru akaba naaza kugarurira busya Ekanisa, Ekigambo ekyabandize omurundi ogundi.

Hati mureebe mufiireyo munonga. Ni-niinyenda ngu hati mumanyire kimwe. Ruhanga akaraganisa Haawa, obwire bukaba nibwija obu Ekigambo kyabaire nikiza kugarurwa busya n'Oruzaaro rwe. Ekigambo eki, kyo kyonka, kikaba nikiza kuba Embibo. Kandi ku baamuhaire ekitarikyo, kyaba nikyo yaagumya. Ekigambo ku kyamwiziire, akakora ki? "Tindikukyenda." Kikaba kyanguhi munonga. Tikirareebekire gye, ahariwe. Kikaba kitanyiriziibwe ekirkugasha.

"Enju yamatungo? Oo, mugyensi! Mugyensi! Omuntu ori batyo, nangwa atakazaga omu ishomero n'ekiro kimwe? Mpaho, ekyo tinkaabaasize kukiikiriza. Ogwo tari Mesia. Omushaija kureka abantu bakamutwaza kubi batyo, reero bwanyima bakamweta 'Mesia'? Kubaikiriza bakamuta ekuuta aha maisho, bwanyima bakamuhonda omutwe? Kandi Akeeyeta Nabi, Nabi ohikire, oyimukireho?"

Buzima, bakaba batarikumanya baanabi. Yesu nikwo yaagambire. Akagira ati, "Kuri mwabaire nimumanya baanabi, mukaamanyire." Ekyo kihikire.

64 Hati mwetegyereze. Kwonka Ekigambo ku kyamwiziire, omuhanda, buzima omuringo ogu Ruhanga yaabaire agambire ngu kiryaiziramu; akaba yaakiteekateekire omuringo ogundi. Ningamba aha mugore, omugore Omuyudaaya, omugore Omuheburaayo. Ogwo akaba ari Haawa, eky'okubandizaho. Bwanyima ku Kyaizire hanu, akaba Atarikukyenda. Akaba naayenda kuguma n'ebye omu mwanya Gwakyo.

Hati, Ruhanga akaragaanisa Haawa ow'omwoyo, ahari Pentekoote, yaakigamba nangwa kitakabaireho, emyaka magana ana ekanisa etakagwire, ngu bakaba nibaza kuruga aha mazima, bakaba nibaza kukora eki baakozire. Kwonka, Akaragaanisa, omu biro by'aha muheru ngu Akaba naaza kwohereza Ekigambo omurundi ogundi.

65 Yesu akagamba ekintu nikyo kimwe obu Yaabaire ari omu nsi; Akaba naaza Kukyohereza omurundi ogundi. Kandi niki... Kiryashanga ki? Kiryashanga ekintu nikyo kimwe eki Kyashangire obu Kyaija okubanza. Nikwo. Baine... Bo, nibenda ebyabo ebindi ebitaribyo. Nibenda ekigombe kyabo ky'ediini. Nibenda enyikiriza z'ediini zaabo. Nibenda kutuura omuringo ogu barikwenda ngu batuure. Kandi nibenda, "Mpaho, Ndi Nanka na nanka. Ndi owa Egi n'egi. Tikirikureetaho entaanisa yoona ebi Ruhanga arikukora, oku Araayeyorekye kwona; Naabaasa kuzoora abafu; Naabaasa kugamba emibonano y'omu mitima; Naabaasa kukora buri kintu eki Baiburi yaagambire ngu Naija kukora. Ekyo tikirikureetaho omutaano na kakye." Kyaba kitaine kakwate n'ekibiina kyangye ky'ediini, Tikiine mugasho." Mwareeba?

Ekintu nikyo kimwe eki omugore Omuheburaayo yaakozire, ekyo kihikire, mwareeba, bakahurikiza ekindi

ekitarikyo kyabo. Kandi Ruhanga akabaragaanisa ekihikire. Kandi ekihikire ku kyaizire, Tibarakikunzire. Kikaba kiri ahansi munonga.

66 Hati nikyo kintu kimwe ebiro ebi, ku-ku Kiraareebekye. Hati, Ruhanga akagamba, omuri Malaki 4, ngu Akaba naaza kwohereza Obutumwa omu biro by'aha muheru, obwabaire nibuza kugarura busya. Yoeli akagira ati, "Ndyagarura busya emyaka yoona." Buri kintu eki Rooma yaariire, kandi na buri kintu eki Abametsodisiti baariire, na buri kintu eki Ababaptisiti baariire, okuruga ahari eryo itaagi ry'okubanza ry'Apentekoote, Ruhanga akagira ati, "Ndyagarura busya omu biro by'aha muheru." Ekyo kihikire.

Kandi Naabaasa kutwoherereza omuntu ogwo oraije kuba. . . Ekintu kyonka eki Ruhanga aroherereize Ekigambo Kye ni nabi, ti aha bahunduuzi; ahari baanabi. Ekaba etari shaaha yaakyo. Mbwenu eshaaha egoye neirira haihi, kandi egoye niyo nshonga tukihangire amaisho kwija. Kiryaba kicureire munonga kandi kirikwetwaza gye! N'ahabw'ekyo . . .

67 Oo, mugyenzi! Nimuteekateeka ngu Abametsodisiti abo ab'ebitiinisa, Ababaptisiti, kandi n'Abapuresibateeri, Abapentekoote, baryakyakiira?

"Oo," noogira oti, "Abapentekoote?"

Abapentekoote ni aba Laodikea. "Abatungi, kandi tihaine eki bakyenire." Kikagira kiti, "Torikumanya ku ori omworo." Nimubaasa kuba nimwombeka ebyombeko bya zaamirioni zaadoola, kwonka nabwo muri abooro, abooro omu by'omwoyo.

"Oo," noogira oti, "Ninkireeba kyona."

"Ori empumi!"

"Mbwenu," noogira oti, "Ruhanga ahimbisibwe, njwaire."

"Ojwaire busha."

"Mpaho, nimpamya aboojo baitu. Twine zaaseminaro. Ni . . ." "Kandi torikukimanya."

Hati ekyo buzima tikwo kiri. Hati, Baiburi ku eraabe yaagizire ngu Ekanisa ya Laodikea ekaba neeza kuba omu muringo ogwo . . . Kandi tihariho n'omwe omu nsi orikubaasa kuhakana ngu obu tibwo busingye bw'aha muheru, ahabw'okuba, Obusingye bw'Ekanisa ya Laodikea, nari, obusingye mushanju bw'ekanisa. Kandi, turi aha, emyaka enkumi ibiri y'omurundi gwa kabiri n'ebumaririza. Tihakiriyo bundi busingye bw'ekanisa.

Egyo niyo nshonga imwe ab'eishe-emwe ab'ekanisa eya Latter Rain mutarabaasize kutandikaho ekindi kibiina ky'ediini. Tiharikuza kubaho obundi. Ekyo kihikire. Buri aha mperu. Amiina. Tiharikubaasa kubaho obundi busingye bw'ekanisa. Buhweire.

68 Kwonka kandi obutumwa bw'Abapentekoote ku buraabe bwabaire buri obutumwa obw'aha muheru . . . Eki, okwiwhaho orubanja, okwezibwa, okubatizibwa n'Omwoyo Orikwera, obutumwa bw'emirundi eshatu bw'aha muheru, obusingye bushatu bw'ekanisa obw'aha muheru nibukora Okuzaarwa okwijwire. Kiri nk'oku omukazi yaaba aine, arikuza kuzaara omwana we; ekintu buzima ekirikubanza kubaho n'amaizi, ekirikukurataho n'eshtagama, ekindi kintu n'amagara.

Ku baitsire Yesu aha musharaba, ekintu ekyarugire omu mubiri Gwe, okukora ensya . . . okukora O-Okuzaarwa. Bakacumita orubaju Rwe, Eshagama n'amaizi byashohora, kandi, "Naata Omwoyo Gwangye omu mikono Yaawe." Ekyarugire omu mubiri Gwe gakaba gari amaizi, Eshagama, Omwoyo. Hati, Yohaana ey'okubanza 5:7 neekugambira ahari ekyo,

69 "Hariho ebantu bishatu ebirikuhamya omu Iguru, Tataitwe, Ekigambo (niwe Kristo,) kandi n'Omwoyo Orikwera." Kandi ebi bishatu nibiikirizana omuri kimwe; tibiri kimwe, kureka nibiikirizana omuri kimwe. Kandi hariho bishatu ebirikuhamya . . . Nari, "Byona ni kimwe," nimmanyisa. Naashobya aho. "Kandi ebishatu ebirikuhamya eby'omu nsi, ni amaizi, Eshagama, n'Omwoyo, kandi nibiikirizana omuri kimwe."

Noobaasa kwezibwa otaihirweho orubanja. Kandi noobaasa kwiwhaho orubanja oteeziibwe. Noobaasa kwezibwa otatungire Mwoyo Orikwera. Buzima nikwo kiri. Abeegi, omuri Yohaana 17:17, bakeezibwa kandi baaheebwa obushoboorozi okubinga emizimu, kwonka nabwo bakaba bataine Omwoyo Orikwera. Mwareeba? Buzima. Kikabeetaagisa okuhika ahari Pentekoote, kandi bakategyereza okuhitsya obu Omwoyo Orikwera araije. Aho niho Yuda yaayorekyeire erangi ze. Nimureeba oku omwoyo ogwo gwarwaine kuraba omu kwiwhaho orubanja, okwezibwa? Kwonka ku gwahikire aha muheru, akooreka erangi ze. Mwareeba? Ekyo kihikire.

70 Hati mwetegyereze, hati, kandi turi hanu omu bwire bw'aha muheru. Kandi Haawa w'omwoyo, nk'oku ow'obuha- . . . nk'oku Haawa Omuheburaayo yaaragaanisiibwe, omugore Omuheburaayo akaragaanisiibwe Ekigambo okugaruka. Kandi n'omugore w'omwoyo kuruga ahari Pentekoote, obu agwa ahari Niika, n'ahabw'ekyo araaganisiibwe omu biro by'aha muheru ku Ekigambo kiryanagaruka omurundi ogundi. Hati, nimugamba, kyaba kiri kityo . . . Nimwenda Ekyahandiikirwe ekindi, kwata hanu, Okushuuruurwa 10. Kandi kikagira kiti, "Omu shaaha,

obwire bwa-bwa maraika ow'aha muheru, maraika owa mushanju (entumwa ya mushanju) aritandika kugamba, enaama ya Ruhanga neehwa." Mwareeba? Okugarurwa busya aha Kigambo!

Baiburi ekagira ngu entumwa egi ey'omu biro by'aha muheru ekaba neeza kuba, "Kubagarura busya aha Kwikiriza okwabandize omurundi ogundi, kugaruka aha Kwikiriza kw'abazaire." Kwonka nimuteekateeka ngu Bakakyakiira? Ngaaha, sebo. "Ebiro by'aha muheru, Akaba naaza kugarura busya Ekigambo ekyabandize omurundi ogundi," nk'oku Yaagambire omuri Malaki 4. Kwonka akaba yaakifeereirwe.

Hati, Ekigambo ekyo akaba yaakifeereirwe ahari Niika. Haawa akakifeerwa omuri Edeni; Haawa akanga ekye ahari Gologosa. Kandi ekibiina kya Niika kiriyo Nikikyanga omu biro by'aha muheru, omuringo nigwo gumwe. Mugyenzi! Kwonka Ekigambo ku kyaizire omu mubiri gw'omuntu, we, Haawa, ekanisa y'Abaheburaayo, nyina w'ab'ebi'omwoyo boona abahuriire, bwanyima Kyo, Akakyanga. Akaba afeereire kimwe, omu migyenko ye n'ebigunjano, mpaka Yaakifeerwa. Nikwo n'ogu, buzima.

71 Ni kirungi. Bakamufeerwa, Ekigambo ekihuriire kyorekirwe omu mubiri, ahabw'Ekigambo ekiragaanisiibwe. Ekigambo kikaragaanisa okukora ebintu ebi. Okuragaanisibwa kukaheebwa, ngu kiryaba kiti omu biro by'aha muheru. "Nk'oku kyabaire omu biro bya Sodoma, nikwo kiriba omu Kwija kw'Omwana w'omuntu." Hati mureebe ekyabaireho omuri Sodoma. "Nk'oku kyabaire omu biro bya Noa, nikwo kiriba omu kwija kw'Omwana w'omuntu." Mwareeba? Mureebe ekyabaireho obwo. Mwareeba? Hati, Akagamba ngu kikaba nikiza kuba kityo, kandi tutwire omu biro ebyo. Mbwenu, kandi kikaabaasika, ninteebereza, nkaabaasa kutunga okuragaanisibwa magana mukaaga nk'okwo, kuruga omu Byahandiikirwe; ndikubijuriza kwonka. Mwareeba? Hati, kwonka, Nibakyanga.

Akaramatira aha migyenko n'ekindi ekitarikyo, omu mwanya gw'e-e . . . Akaramatira aha shagama etariyo yonyini, omu mwanya gw'Eshagama ehikire. Yesu, Ekigambo, akagamba, obu omugore Omuheburaayo Kyamworekirwe, ati, Ahabw'okuba akaramatira aha migyenko egi . . . Yesu, Ekigambo ekyorekirwe, akagambira omugore, omugore Omuheburaayo ati, "Ahabw'okuramatira aha migyenko yaawe, nooreetera Ekigambo kya Ruhanga kitaagira eki kyabakorera. Tikirikubaasa kukora."

72 Hati egoyi niyo nshonga ebiro ebi, ngu, o-okusisiimuka okutushemereire kugira, twine okusisiimuka kw'ebigombe by'amadiini. Titukagizire okusisiimuka okw'amazima. Ngaaha, ngaaha, ngaaha. Ngaaha, sebo. Mutateekateeka ngu twine okusisiimuka. Titukwine. Oo, baine zaamirioni na zaamirioni na zaamirioni zaabaamemba b'ekanisa, kwonka tihariho okusisiimuka ahantu hoona. Ngaaha. Ngaaha.

O-Omugore takatungire okusisiimuka. Mwareeba? Tihakabaireho okusisiimuka aho, tihakabaireho okweyoreka kwa Ruhanga okw'okusisiimura Omugore. Mwareeba? Tukutegyereize hati. Nikija kwetaagisa Ebirikuhinda mushanju ebitarikumanywa enyima okwo, okumusisiimura omurundi ogundi, mwareeba. Eego. Aryakyoherenza. Akakiragaanisa. Hati mureebe. Hati, akaba-akaba afiire.

73 Kandi hati amakanisa ku gaakwebwa enyikiriza z'amadiini gaazo, kandi gakeebwa n'ebigunjano byago, reero gakakwata Baiburi, gakashaba okuragaanisibwa, obwo kikaagagashiire. Kwonka, mwareeba, Yesu akagira ati, "Imwe n'emigyenko yaanyu, nimutuma Ekigambo kya Ruhanga kitaabgasira." Mpaho, ekyo nikyo kintu kimwe ebiro ebi na Haawa w'omwoyo, mwareeba, omugore w'omwoyo w'eriizooba, orikwetwa atyo, ekanisa. Naakwata Ekigambo kya Ruhanga, kandi tarikwija Kukyakiira. Kandi ayakiira ebigunjano, omu mwanya gwakyo. N'ahabw'ekyo, Ekigambo tikirikumugasira, mwareeba, ahabw'okuba naagyezaho kutaasyamu enyikiriza y'ediini ye omu Kigambo, kandi tikikaakora.

74 Hati, ekiturikwetenga ebiro ebi . . . Ninguma ninshoma eki hanu, Herald of His coming, aha mutwe gw'ebihandiiko, "Nitwetenga nabi okugaruka! Nitwetenga nabi okugaruka!" Kandi ninteebereza, ku araagarukye, tibarikwija kukimanyaho kintu kyona. Kakyeho . . . Ekyo kihikire. Nikwo kitwire kityo, nimureeba. "Nitukyetenga," buri kintu kyona eki murikugambaho, "nitwetenga nabi okugaruka, oraije kureeta Ekigambo kya Mukama, ataine kutiina. Nitwikiriza ngu Baiburi ekakiragaanisa."

Hati, nimmanya Ow'eishe-emwe - Ow'eishe-emwe Moore n'abo, baariira omu nju ye, na buri kintu ekind omurundaani. Kandi niwe mushaija orikukirayo oburungi ogye-ogyendera omu ngaito z'oruhu, ninteebereza, omwe aha bantu abarikukirayo oburungi. Kwonka, mwareeba, naamanya ngu ekyo tushemereire kukigira. Kandi Ow'eishe-emwekaza Moore, omwe aha bakazi abarikukirayo oburungi, mukye . . . omuntu mukye omukyene, kandi nibeehayo. Kandi eryo ni rimwe aha mpapura z'amahurire ezirikukirayo oburungi omu ihanga omu kuteekateeka kwangye, ni Herald of His Coming. Kwonka nooshanga, nibaguma nibagamba n'amaani ngu, "Nitwenda nabi! Nitwenda nabi!" Mwareeba? Mugyenzi! Ekyo nikyo barikugambaho.

75 Reeru turi aha, eriizooba, kandi nka nyomwebazyo n'eriizooba, nibakiranga aha rediyo, ngu . . . kandi n'amakanisa g'Ababaptisiti n'ebindi nk'ebyo, ngu, "Titushemereire kwegaita n'Abakatoriki, kureka tushemereire kushaba nabo." Mwareeba? Kandi hanu aha, Obutumwa nibugambwa kuruga hanu, ngu "mwetantare ekintu eky'o butwa!" Mwareeba? Mwareeba? "Babiri nibabaasa bata kugyenda hamwe bataikirizaine?"

Omushana n'Omwigima tibirikubaasa kukwatanisa. Omushana ku gutaahamu, omwigima gushohora. Mwareeba? Tikirikubaasika . . . Nigukirirayo kimwe amaani! Torikubaasa kuraaza Omushana, orikukozesa omwigima, kwonka noobaasa kubinga omwigima, orikukozesa Omushana. Ekyo kihikire. Kandi Niwe Mushana,

kandi Niwe Kigambo. Mwareeba? Mbwenu, reeba nkikyo, kyagaruka kishorongire. Torikubaasa kutuma Kyabeiba nari kukora ekintu kyona ekigwire. Nikigaruka kishorongire aha mwanya ogwo omurundi ogundi. Eego, sebo.

76 Nk'oku omuntu omwe arikutandika, agyezeho kukuteera empaka; waaba noomanya ah'okwemerera, orikumanya eki arikwikiriza. Ni nk'okutwara wakame reero okagirekura omu kiju, haza otsibire buri mwina. Fa kwemerera aha muryango; neeteekwa kugaruka. Nikyo ekkyo kyonka. Mwareeba? Eryateekwa kugarukira kimwe aha muryango omurundi ogundi, 'habw'okuba ogwo nigwo muhanda gwonka ogu erikubaasa kushohoreramu. Neija kufunda omutwe gwayo okurabira hanu, kandi haihi ehende ebitsya byayo; kandi eze kuri, eze oku. Ofe kwemerera reero ogireebe, kandi neija kugaruka. Mwareeba? Nikyo Ekkyo. Ogwo nigwo muhanda gwonka gw'okukora. Mugume n'ekyo Kigambo. Nimubaasa kugamba n'amaani okwetooroora hoona, n'eniyikiriza zaanyu, muhende ebitsya byanyu buri hantu, kwonka mushemereire kugaruka enyima aha Kigambo eki. Mwareeba? Eego, sebo. Ni Kyona.

77 Hati, mwareeba, tiba-tiba-tiba-tibarikukyenda. Tibarikwenda Ekigambo kya Ruhanga. Ahabw'okuba akaramatira aha migyenco ye, akatuma Ekigambo kya Ruhanga kitagira amaani. Nikyo kimwe hati, ahari Haawa w'omwoyo. Tarikwenda . . . Naayenda kurinda emigyenco ye, kandi arugye aha Kigambo kya Ruhanga. Naagaruka aramatira aha bigombe by'amadiini, hamwe n'eniyikiriza zaabyo n'emigyenco y'abakuru be, omu mwanya gw'okukwata Ekigambo kya Ruhanga.

Kandi okuragaanisibwa kw'Ekigambo, omu biro by'aha muheru, ku kurikureetwa ahariwe, tarikwija Kukwakiira, ahabw'okuba, n'emigyenco ye, nk'omugore Omuheburaayo oku yaakozire. Ekigambo ekihikire, n'obu kyorekirwe, kikahamibwa, kikoorekwa, tarikitunga. Ahabw'enki atarikitunga? Ahabw'okuba hariho ekirikushushanisa kye. Tarikubaasa kukikora. Ekkyo kihikire. Tarikubaasa kuhakanisa ekirikushushanisa kye. Mwareeba? Kandi kikarangwa ngu akaba naaza kukikora, n'ahabw'ekkyo nooza kwerinda ota ekintu kyona? Hati ekintu kyonka ekky'okukora ni ngu oshemererwe ahabw'okuba orimu. Nikyo ekkyo kyonka. Guma okitegyereize.

Ni kirungi. Ruhanga akaragaanisa, omu biro by'aha muheru, ngu Akaba naaza kworeka kandi akaba naaza kuhamya Ekigambo Kye ahariwe, kandi nabwo tarakiikiriize. Ebyo byona, Ruhanga akamuragaanisa, kurabira omu baheereza Be, baanabi. Ruhanga akaragaanisa, kurabira omuri Yesu Kristo. Ruhanga akaragaanisa, okurabira omuri Yoeli. Ruhanga akaragaanisa, okurabira omuri Paulo. Ruhanga akaragaanisa, okurabira omuri Malaki. Yohaana . . . Ruhanga akaragaanisa, okurabira omuri Yohaana owaashuuuruuriwe, baanabi abo boona, buzima eki Obutumwa obw'aha muheru bwabaire nibuza kuba ahariwe.

78 Hati, mwaba nimwenda kubihandiika; hatariho kubangaanisa, mwena nimubimanya: Yesu, Yohaana 14:12; kandi Yoeli, Yoeli 2:38; Paulo, Timoseo ya Kabiri 3; Malaki, eshuura ya 4; na Yohaana owaashuuuruuriwe Okushuuuruwa 10, ikumi na mushanju, emwe okuhitsya ahari ikumi na mushanju. Mwareeba,

buzima ekyabaire nikiza kubaho hati! Kandi, aha kanisa, niki? Ekigambo kuba omubiri kikahinduka omuntu omu bantu Be omurundi ogundi! Mwareeba? Kandi Tibarikukiiiriza.

79 Niumanya eki Yesu Yaagambire ku yaareebire ya . . . ku Yaakozire eby'amahano ebyo omumaisho gaabo, kandi akahamya ku Yaabaire ari Ruhanga? Akahamya ngu, eki Yaabaire naakora, nikyo Yaabaire ari. Buzima nikyo Yaakozire. Aka-Akabagambira, Akagira ati, "Oo, iwe, Kaperenaumu, oyetungwire kuhika omu iguru, kuri emirimo eya . . . emirimo mikuru yaabaire ekoreirwe omuri Sodoma, ekoreirwe omuriwi, ekaabaire eriho n'eriizooba." Ekkyo kihikire.

Kandi omuri Kaperenaumu, Tarakozireyo kintu kyona kureka okutambira abantu bakye, kandi n'okubagambira emibonano y'omu mitima yaabo, kandi yaarugayo. Uh-huh. Nikyo ekkyo. Mwareeba? Tibarikumanya eki emirimo mikuri eri. Nibateekateeka ngu nikiteekwa kuba puroguraamu mpango y'amaani ahu buri muntu arikwimuka, reero omuramuzi akaha orubazo, kandi-kandi ab'ebyoma by'okweshongora babiteera, kandi n'erangi zikazeerera, kandi na-kandi n'abakazi abajwaire gye, kandi ebyabo . . . kandi n'okuguma n'okurindirira, kandi na diguri za PhD, LLD zoona, kandi n'enkofiira mpango, ndaingwa, kandi n'engoro omu bitsya, na buri kintu, boona bashemereire kutaahamu. "Ekkyo n'ekintu kikuru." Ruhanga naagira ati, "Ebyo n'obusHEMA."

80 Kandi naareeta ekintu kikye haihi ekitarikumanya ni ntaanisa ki eri ahagati obundi ya ABC, na kakye, reero akore ekintu ekirikuhemba omuriro omu kanisa ehikire. Reero abandi abaatsigara baagire bat, "Ekibiina ky'abarikwera abeekuringa ahansi." Ruhanga Ekkyo akyeta "kikuru," kandi ensi Ekyeta "obusHEMA." Ensi eyeta ekkyo "kikuru," kandi Ruhanga ekkyo akyeta "obusHEMA." Mwareeba, nibibushukana. Mwareeba? Kandi ekintu eki Ruhanga aragaanise, Ruhanga aryakikora kandi Yaakikozire. Mwareeba? Turi hanu.

81 Hati, nabwo, naaguma nk'oku yaakozire, Haawa Omuheburaayo. Akaba atarikwenda kukikora. Okaabaasize kuzoora abafu; okaabaasize kureeba Omwoyo wa Ruhanga. Yesu akaija ahansi, Yaahamya ku Ari Omwana wa Ruhanga. Eky'okubanza, Akatandika kubuurira. Mpaho, bakateekateeka bat, "Mpaho, ni nk'Omuntu otari w'obutoosha. N'oha, beitu?"

Mpaho, ekintu ky'okubanza noomanya, abantu batandika kugamba . . . Nekya buzima, bakaba baagambire, enyimaho, obu owaamubandiize yaija, Yohaana, bakagira bat, "Ori Mesia?"

Akagira ati, "Ngaaha. Kwonka Ayemereire ahagati yaanyu ahantu nanka." Ahaa. Mwareeba? Ahabw'enki? Akamanya, obu obutumwa bwe bwaheebwa, eki yaabaire ashemereire kukora. Akamanya eki yaabaire naaza kukora.

82 Nk'oku Noa yaagumire naareeba Enoka. Enoka ku yaagyenzire, Noa akagira ati, "Ni kirungi kwirira haihi n'emeeri. Obwire bwiriire haihi." Noa akaguma naareeba Enoka. Mwareeba? Kandi Yohaana akategyereza akamanyiso aku Yesu yaamugambiire, nariaku Ruhanga yaamugambiire, kutegyereza. Akagira ati, "Ayemereire hanu aha hati, ahantu nanka ahagati yaanyu. Tindikumumanya, kwonka Ndyamumanya."

Ayemereire aho, bakagira bat, "Tiiwe Mesia?" Bat, "Tutumirwe kuruga aha kitebe kikuru." Ahaa. Bat, "Abakuru, kandi na boona, batutumire hanu. Ku oraabe ori Mesia, ahabw'enki otarikwinamuka reero okeemanyisa kuriya, hatari hanu omu kibiina ky'abarikugaywa hanu! Inamuka kuriya oyemanyise."

Akagira ati, "Tindi Mesia." Yaagira ati, "Ndi eiraka ery'orikugambira omu ihamba."

Ekyo kikaraba ahaiguru y'emitwe yaabo nk'oku kyabaire nikibaasa. Tibarakimanyireho kintu kyona, mwareeba, kandi obwo bakaba boona bamutegyereize kwija. "Kwonka akaba atarikubaasa kuba omuntu nk'ogwo. Oo, mugyensi, ekyo kikaba nikiza kuba eky'akabi munonga!"

"Nooruga omu ishomero ki?"

"Tiriraho."

"Oine kaada yaawe y'okukwatanisa naitwe."

83 "Ni ki?" Mwareeba? Akashukwaho amajuta Ruhanga. Akagira ati, "Hariho ekintu kimwe eki nyine. Empango eteirwe aha kitsintsi ky'omuti." Hati, nikyo ekyo e-nikyo ekyo eki yaabaire aine. Akagamba omu migambire y'omuntu w'eihamba, hatari omu migambire y'abanyadiini abatendekirwe; enjoka, n'empango, n'emiti, n'ebindi nk'ebyo. Tara-taragambire omu migambire y'abanyadiini. Kwonka Yesu akagira ngu tihakabahoga nabi ori nkawe. "Tihakabahoga omuntu ozairwe omukazi, ori nkawe, okuhitsya omu biro bye." Ekyo kihikire.

"Akaba naakirira kimwe nabi." Akaba ari entumwa y'Endagaano, akeemerera rwagati y'o-y'obusingye bubiri, burikutaahamu. Mwareeba? "Okukirira kimwe nabi." Kandi ahabw'ekyo obwo-obwo tibaramumanyire. Tibaramwetegyereize. Akaba ari nk'omuntu orikureebeka okundi, n'ahabw'ekyo bakamubinga, mwareeba.

84 Bwanyima Yesu ku yaizire, obwo, kandi buzima bakaba batarikuza Kumwikiriza, ogu mwojo w'omubaizi, hakaba hatariho kintu kyona nk'ekyo, n'eiziina ribi enyima Ye ry"ekinyandaaro." Kandi, We, bakaba bataraaze kureeba omuntu nk'ogwo.

Kwonka, kwonka mureebe eki Ruhanga yaakozire. Akakwata abateegire, abooro, abashohi, abanyeihamba, abahingi, na baamaraaya, kandi yaareka ab'ebitiinisa bashutami aho. Ahabw'enki? Niki? Ahabw'enki Yaakikozire? Ahabw'enki Yaakozire ekintu nk'ekyo? Mukaabaasa kukiteekateeka? Ahabw'okuba ngu abantu abo bakamwetegyereza ku ari Ekigambo.

85 Hati ka tubareebe nk'edakiika.bNgugu omushohi omugurusi oteegire, otarikubaasa kuhandiika eiziina rye. Baiburi ekagira ngu akaba ari "otarikumanya kandi oteegire." Naihayo eky'enyanja kye kandi akita ahansi. Ashuumma okwo kandi areeba ekireetsireho orwari oru rwona. Kwonka hare omunda okwo omuriwe, akaba naamanya ngu Baiburi ekagira ngu Mesia . . . Abaheburaayo boona bakaba bategyereize Mesia, ahabw'okuba hakaba nihaza kubaho eky'Ebyahandiikirwe ku araije.

86 Hakaba harabaireho baamesia baangi, abaimukire kandi bakagira bat, "Ndiwe," kandi baabahabya, omu magana, kandi-kandi baahwerekyerera kandi na buri kintu. Kwonka, mwareeba, ekyo kikaba kiri eky'okuhigika Ekyo ekihikire ku Kiraije.bTutungire eminagiro ya Eliya n'amakooti, kandi na buri kintu ekindi, kwonka ekyo-n'o-n'o-n'okuhigika ekintu ekihikire ku araije. Mwareeba? Ekyo kihikire. Abantu b'emiringo yoona abajwaire amaganduura hamwe n'ebijwaro, kandi baziikirwe omu miringo yoona y'ebijwaro ebikubire ebirikushweka omutwe n'ebitsya, kandi na buri kintu ekindi. Ekyo tiki . . . Ekyo-ekyo nikihamya kwonka. Nka doola y'ekigingirire, eyoreka ngu hariho enungi ahantu nanka, ku waakubaasa kugibona. Mwareeba?

N'ahabw'ekyo ngugu Yaija. Hati ab'ebitiinisa aba baarugayo, kandi bakaba bari aha byabo munonga ebitaribyo! "Ahabw'enki," bakagamba bat, "hati, Mesia ku araije, buzima aryaija owa Kayaafa. Aryaija omu kigombe ky'ediini kyaitu. Aryaija omu Bafarisaaayo."

Abasadukaayo bat, "Ekyo nikyo murikuteekateeka! Aryaija omu Basadukaayo."

87 Kandi bakaba bari aho, mwareeba, ekintu nikyo kimwe eki baine ebiro ebi, hati. Kwonka obu Yaija, kikaba kitari kya burijo. Aryaija, oo, kihindukire munonga aha ki baabaire nibateekateeka, kwonka Akaija nk'oku Ekigambo kigira. Kandi bakaba batarikumanya Ekigambo.

Reka ngambe ekyo, buzima, kugira ngu mwije . . . nikija kutaahira kimwe omunda. Niinyenda eki mukitungye. Egyo niyo nshonga ei mwine eriizooba, mwareeba, timurikumanya Ekigambo! Mwareeba?

Yesu akagira ati, "Nimumanya kukyenga enshusha y'eiguru, kwonka obumanyiso bw'obunaku timurikubaasa kubukyenga."

Bati, "Twine Musa."

N'ahabw'ekyo, Akagira ati, "Kuri mwamanyire Musa, Mukaamanyire." Tibaramanyire Musa, n'ahabw'ekyo tibaramanyire. Nibamanya enyikiriza ei baabaire bagunzire.

88 Hati ka tukwate omugurusi omushohi ogu. Naata ekigyega kye ahansi. Yaagarura ekireju kye ky'enju ahansi, kandi yaashuma, ati "Niinykiriza niinyija kureeba Ou ari."

Ow'eishe-emwe akagira ati, "Ija. Reka tushuume ifo hanu." Yaagira ati, "Ogwo niwe Muntu ogwo omwe. Ogwo niwe Muntu ou bagambireho ekiro kiri . . . Ngumire Nawe ekiro kyona nyomwabazyo ekiro. Noomanya Yohaana, ou mbaire ninkugambira?"

"Yee, ogwo mushaija omunyaihamba eifo kuriya! Yee, nkamuhuriraho." "Mpaho," Simooni omugurusi, noomanya, yaagira ati, "Nkamuhuriraho eifo kuriya. Yee, nkaba ndiyo eifo kuriya, ameezi abiri nari ashatu agahingwire, eifo kuriya. Eego."

"Mpaho, akagira . . . Kandi ekiro kimwe akaba ayemereire aho, yaagamba ekintu ekitari kya butoosha. Akagira ati, 'Nimumanya, ngugu Yaija hati hati!' Bakagira bati, 'Noomanya ota?' Yaaranzya enyima kuriya; Omuntu owa butoosha ayemereire aho. Akagira ati, 'Nindeeba Omwoyo wa Ruhanga, nk'enkombe, arikushuma. Nimpurira Eiraka nirigira riti, "Niwe Ogu. Ogu ni Omwana Wangye Ou Nshemerererwa kutuuramu." ' Bwanyima yaaza omu maizi kandi yaamubatiza, n'ebindi nk'ebyo. Mbwenu, aho, akagamba ngu akaba Naamumanya."

"Oo, tindikumanya," Simooni nikwo yaagambire. "Mpuriire ebyo byona, emirundi mingi." Kwonka hanu naarugayo. Kwonka omunda omu mutima gwe akaba ari embibo eyaamanyirwe ira. Mwareeba? Yesu nikwo yaagambire. Kihikire. Yaaza ah'Ari. Yaazayo. Yaagira ati, "Niinyija kushuma aha ruteerane reero ndeebe."

89 Yaazayo. Yesu akaba ayemereire aho, Omuntu mukye wa butoosha. Akagyenda. Yaagira ati, "Ahabw'enki, eiziina ryawe ori Simooni. Kandi n'eiziina rya sho rikaba riri Yona." Ekyo kikatuma yaaba mukye. Ahabw'enki? Embibo egoye nkye y'Amagara Agatahwaho ekataahamu okwo. Eego, sebo.

Akagira ati, "Rindaho edakiika! Ekyo kiri kita? Timukandeebahoga. N'obu kwakuba kumanya tata, 'habw'okuba akaba amazire emyaka mingi affire. Kwonka mbwenu Waija, wangambira ekyo? Hati, nimmanya ngu Baiburi neegamba . . ." Hati, ekyo ti kugaruka aha ki abakuru bagamba. "Kwonka Baiburi ekagamba ngu Mesia akaba naaza kuba nabi. Ngugwo aho. Niwe Ogwo."

90 Ekiro kimwe Akaraba omuri Samaria, naashuma okurabira okwo ari hamwe n'ekibiina ky'Abayudaaya. Akabatsigaho. Kandi ogu mukazi mukye w'emicwe mibi yaarugayo, obundi omukazi mukye murungi, nimumanya. Kandi akaba yaabingirwe yaaza omu ruguuto rw'omu rurembo, ari omwana muto. Kandi ogwo mukazi akaba naagyenda kuraba okwo. Shana akaba aine eki arikuteekateekaho. Akagyenda yaahikaho yaata baketi ahansi. Kandi yaatandika kurekura omuguha ogukomire eky'okutahisa omu iziba, nimumanya, okutaha amaizi. Kandi yaahurira Omushaija naagamba ati, "Ndeetera eky'okunywa." Akamagamaga, kandi aho hakaba hashutamiho nk'Omuyudaaya owaahama omu myaka.

Omukazi yaagira ati, "Gamba, Ori Omuyudaaya? T'oshemereire kukora ekyo. Tiguri mucwe gwanyu okugamba naanye. Ndi Omusamariakazi."

Yesu yaagira ati, "Kwonka kuri noomanya Ou orikugamba nawe, okaareetsire . . . Okanshabire nkuha eky'okunywa."

Omusamariakazi yaagira ati, "Baketi Yaawe erahi?" Mwareeba? "Omuguha Gwawe gurahi?"

"Mbwenu," Yaagira ati, "amaizi agu ndikuha n'Amagara."

"Amaki?" Mwareeba? "Ahabw'enki," omukazi yaagira ati, "ahabw'enki, mwena nimukunda okuramiza omuri Yerusaalemu. Kandi baatatenkuriitwe bakaba baramiza . . ."

"Oo," Yesu yaagira ati, "ekyo kihikire, kwonka," yaagira ati, "itwe Abayudaaya tumanya eki turamya. "Kwonka, "yaagira ati, "nimumanya, obwire nibwija obu-obu abantu batariramiza Yerusaalemu nari aha rushozi oru." Yaagira ati, "Niba-nibaza kuramiza Ruhanga omu Mwoyo, ahabw'okuba We ni Omwoyo, Omwoyo n'Amazima."

Mpaho, Omusamariakazi yaatandika kwetegyereza, nimumanya.

Kandi Yesu yaagira ati, "Irooko oreete baro reero oije hanu."

Omukazi yaagira ati, "Ibanyi? Tiinyine mushaija weena."

"Ahabw'enki," yaagira ati, "ago nigo mazima." Yaagira, yaagira ati, "Otwire noozengyerera na bataano, kandi

oine owa mukaaga hati.” Kandi yaagira ati, “Okashwerwa abashaija batano. Kandi-kandi, iwe, noomanya. Waagamba amazima.”

91 Mureebe! Kikaba kiri ki? Ogwo Mushana gukajwera egoy mbibo. Ekaba etwire eri aho, eyaabaire egambirwe Ruhanga, Eego, sebo. Embibo ekaba eri aha itaka. Ruhanga ku yaihireho amaizi, n'eizooba ryagijwera yaamera. Ekyo kihikire. Mwareeba? Nikyo ekyo kyonka eki yaabaire neeyetenga, rikaba riri eizooba. Ekaba neeyetenga omushana gwonka. Eego, sebo. Reero bwanyima Omwoyo Orirkwera, Omuriwe, ku yaihireho amagara ge ag'okubanza, kandi akakimworeka, ogwo Mushana gukagijwera.

Akagira ati, “Sebo, naayetegyereza ku Ori Nabi.” Yaagira ati, “Hati, nitumanya, ninkimanya, ngu Mesia ku ariija ekyo nikyo Arikuz kuba. Kandi tutwire tutaine nabi okumara emyaka amagana. Titukagirahoga nabi ow'amazima, okumara emyaka amagana.” Kandi yaagira ati, “Nongambira ota ebikwatsire ahari ibanyi, kandi okangambira n'omubaro gw'abu ngizire, n'ebindi nk'ebyo. Ahabw'enki,” yaagira ati, “eki tindikukyetegyereza.” Yaagira ati, “Mesia ku ariija, mpaho, Naaza kukora ekyo. Kwonka iwe Ori oha?”

Yaagira ati, “Niinye.” Ekyo kikamara. Mwareeba? Maraaya!

92 Kandi abanyamurwa bakamagamaga kandi baagira . . . mpaho, nibateekwa kushoboororera abashomi baabo. Bakagira bati, “Mutazaana n'Omuntu ogwo. Ari-ariho daimoni. Nikyo ekyo kyonka.”

Hati, egoy niyo ntaanisa. Ekyo nikyo kintu kimwe eriizooba. Mwareeba? Ekintu nikyo kimwe eriizooba, buzimazima nikigaruka kubaho. Eego. Eego, sebo. Ogu mukazi, akakimanya, ahabw'okuba Omushana Gukakijwera. Baka- . . .

Abo bashohi, abashaija abanyaihamba, abahingi, abahooza, baamaraya, Bakamureebamu eki Ebyahandiikirwe ebyanguhi byagambire ngu Aryakora. Kandi Abafarsaayo bakaba batarikubaasa kureeba, ahabw'emigyezo yaabo. [Ow'eishe-emwe Branham yaahunamamu kandi yaakora akabonero omu muringo nanka. Abateeraine baagarukamu nibahamya -Omur.] Bakaba batarikubaasa kureeba, ahabw'emigyezo yaabo. Kwonka maraaya, abahingi, kandi n'abo boona, Bakakireeba, boona abaabaire baamanyirwe ira. Okubanganisa ku kwarugireho, embibo ekatandika kukura. Ekyo kihikire.

93 Akakora ki? Akagira ati, “Mbwenu, nshemereirwe mbugaine Mesia”? Oo, ngaaha, ow'eishe-emwe. Akagyendera kimwe omu rurembo. Akeebwa ebikwatsire aha maizi. Akagira ati, “Mwije, mureebe Omushaija Owangambira ebintu ebi naakozire. Eki tikyo kintu kyonyini eki Ebyahandiikirwe bigamba ngu Mesia naaza kukora? Eki buzima tikyo ekyo?” Kandi abantu bakabaasa kureeba ekintu nikyo kimwe. Nka Yesu Kristo oku yaagambire, omuri Yohaana Orirkwera 14:12, kiragaruka kibeho.

Akagaruka yaakigamba omuri Luka, obu Yaagizire ati, “Nk'oku kyabaire omu biro bya Noa.” Oku Ruhanga Yaayeyorekyeire omu Muntu, kandi akamanya owaabaire Amuri enyima; kandi n'eki Saara yaakozire, naashekyera omu ihema. Kandi n'Ebyahandiikirwe ebi byona, ebya Malaki, n'ebindi nk'ebyo, bikaragura eby'omu biro by'aha muheru. Abaheburaayo 4 ekagira eti, ku “Ekigambo” kiraagarukye. Malaki 4 ekagamba ngu Kikaba nikiza kugaruka kurabira omu muntu. Abaheburaayo 4 ekagira eti, “Ekigambo kya Ruhanga kicaaka ebiteekateko ebiri omu mutima.” Kandi nibabaasa kukireeba nikikorwa, kandi bagyende bakirugyeho. Emigyezo yaabo neekishereka reero ekireetera kutagira maani. Mpaho, twahika hanu buzima. Nikyo ekyo kyonka, Ahaa.

94 Nimumanya, Naabaasa kukora ekintu nikyo kimwe ebi. Akaizira kimwe aha kandi akora ebintu nibyo bimwe ebi Yaakozire buriya, nk'oku Yaagambire ngu akaba Naaza kukora. Mwareeba? Akaraganisa okukikora. Akaraaganisa okukikora. Kandi ku Yaakukora ekintu nikyo kimwe, entumwa ya Laodikea eshemereire kukikora. Reero bwanyima ekanisa ya Laodikea ku eraakireebe nikikorwa, nibaija kukora buzima nk'oku ekanisa y'Abaheburaayo yaakozire omu kutandika. N'obu Kyakuhamibwa kurungi kita, oo, bakaakikora, nabwo. Oo, mugyenzi!

Hati, Nikigira ngu kikaba nikiza kukora. Tukaba nituza kugaruka aha Kigambo ekyabandize, kandi n'okworekwa nk'oku kyaragaanisiibwe, okugarura busya omurundi ogundi Okwikiriza, Okwikiriza okwabandize, omurundi ogundi. Kandi ku Araabe Yaayemanyiise ngu Akaba naatuura omu bantu Be, ahabw'okukora ebintu ebi; Akabaasa nangwa n'okwikiriza ekishushani Kye kuteerwa na kamera, kyahamibwa n'ebya saayansi. Kandi nabwo tibarikukiiriza. Kandi kihamiibwe, akaikiriza eriisho ry'ekyoma kya 'kamera' kumukwata Ayemereire aho, Enyomyo y'Omuriro egoy niyo emwe, tehinduka oku ebaire Eri nyomwabazyo, n'eriirooba nikwo Eri, kandi nikwo Eriguma ebiro byona, Abaheburaayo 13:8, okworeka ku n'ekya-n'ekya saayansi, kandi na buri muringo ogundi, ebya saayansi omu byanga by'omwoyo. Omuri buri muringo kikaabaasa kuhamibwa, kyahamibwe. Kandi, nimumanya, obundi bakaakora ekintu nikyo kimwe. Obundi baakagyendera kimwe hare reero bakora ekintu nikyo kimwe nk'oku baakozire.

95 Oo, Ruhanga otuyambe! Oo! Nitwija kurekyera aha. Kwonka, Ruhanga otuyambe kureeba hati, nikwo kushaba kwangye, nk'oku twaija hati. Habw'okuba, tindikwenda kubakyereza munonga. Ruhanga atuyambe kureeba. Niinyikiriza shana, Omwoyo ari ahariitwe, kikaaba kihikire hati kugira ngu Naabaasa kutuyamba hati okushuuura, okubambuura Akamanyiso aka.

Reka tushome. Nk'oku turikureeba embeera ei ekanisa erimu, nitureeba ahu ebaire eri, twareeba eki

baakozire, twareeba ahu yaabaire eshemereire kuhika, nitugireeba aho, kandi twareeba eki baabaire bashemereire kukora. Bakakora ekyo buzima. Hati nimureeba ahu turi? Imwe musharemu. Tinkaasharamu. Nyowe ninjunaanizibwa okureeta Ekigambo eki. Nk'oku Ndikukiheebwa, nikwo ndikubaasa Kukiheereza. Okuhitsya obu Ndaakiheebwe, tindikubaasa Kukiheereza; tihariho ondijjo weena orikubaasa.

*Ku yaabambwire akamanyiso ka kashatu, naahurira ekihangirwe ekya kashatu nikigira kiti:
Ija (oreebe)! Ku naimukize amaisho, naareeba embaraasi erikwiragura; kandi owaabaire agishutamiho akaba aine eminzaani omu ngaro ze;*

Naahurira eiraka ahagati y'ebihangirwe ebiine amagara ebina, nirigamba riti: Endengo y'engano y'edenaari, n'endengo ishatu za sayiri z'edenaari; kwonka amajuta na . . . viinyo otabishiisha.

96 Hati, Omwana gw'Entaama aine Ekitabo omu mukono Gwe, naabambuura Obumanyiso. Abambwire ak'okubanza, aka kabiri, kandi hati Naabambura aka kashatu. Kandi Yaaba naakabambura, Omwana gw'Entaama naakabambura, Akamanyiso ka Kashatu, Ekihangirwe ekya kashatu . . . Hati ni bangahi abarikumanya oku Ekihangirwe ekya kashatu kyabaire nikishushana? Kikaba nikishusha nk'omuntu. Eky'okubanza kikaba nikishusha entare; ekindi kikaba nikishusha enyana, nari enim, kandi ekya kashatu kikaba nikishusha omuntu, nk'omuntu.

Kandi akahurira E-Ekihangirwe ekiine amagara, E-Ekihangirwe ekiine amagara. Ekihangirwe ekiine amagara, kirikushusha omuntu, kyagambira Yohaana kiti, "Ija, orebee eki Eri, enaama egi etwire esherekirwe." Okushuumu okuraba omu myaka yoona y'obucunguzi, okwiha aha kuhangwa kw'ensi, Etwire esherekirwe ahansi y'Akamanyiso aka, ekirikuza kubaho. Hati, "Ija, orebee eki Eri." N'ahabw'ekyo Naakabambuura. Ekiruhinda kibaruka, reero Omwana gw'Entaama abambuura Obumanyiso.

97 Hati, kandi Yohaana akagyenda, kureeba eki Kyabaire nikiza kuba. Akareeba ki? Akareeba embaraasi erikwiragura. Kandi owaabaire agitembire akaba aine eminzaani, nari ekipimiso, omu ngaro ze. Hati, ekyo nikyo kintu ky'okubanza eki yaareebire. Omwana gw'Entaama ku Yaakirangiriire, akabaambuura Akamanyiso, bwanyima Ekihangirwe ekindi . . . Mwareeba, Ebihangirwe ebyo nibigambira omu mbu, omu kuranga, "Ija, orebee."

Kandi Yohaana, ahu yaabaire ayemereire, shana nka bat, agyenda aza hanu, Omwana gw'Entaama ku yaabambwire, kandi yaaza aho. Burijo . . . Ekiruhinda nikigamba, nk'oku tureebire Akamanyiso k'Okubanza. Kandi naayetegyereza kureeba ekiraabeho. Kandi yaareeba omushaija naija, eky'okubanza, ari aha mbaraasi erikwera. Naamureeba naagyenda atembire embaraasi. Kandi n'okugumirizamu kimwe, Yohaana naamureeba okuhika aha muheru. Naamureeba naashuumu, embaasaki ye erikwera, aine obuta omu ngaro ze, kandi o-otembire embaraasi aine, kandi taine emyambi yaabwo. Kandi ekintu ekirikurataho eki arikureeba, naaheebwa ekirunga, naatembera kimwe embaraasi agumizamu.

98 Bwanyima nitureeba, obwo, Omwana gw'Entaama, ngugu yaija omurundi ogundi, yaabambuura akandi. Kandi yaareeba. Hati hanu haija e-embaraasi erikutukura. Omushaija ogu aine rurara omu ngaro ze. Naatembira embaraasi agumizamu kuraba omu Byahandiikirwe, mwareeba, aine rurara egi omu ngaro ze, kandi akaba ari ow'okwita kandi n'okwiha obusingye omu nsi.

Hati Omwana gw'Entaama naabambuura akandi Kamanyiso. Ekindi aha Bihangirwe ebiine amagara, ekirikushusha omuntu, kyagira kiti, "Ija, orebee." Hati yaagyenda, okureeba eki eki kiri. Kandi ku arikuzayo, aho haija otembire embaraasi erikwiragura.

99 Hati, ekiro ekihweire, tushangire ngu otembire embaraasi ogwo niwe omwe owaatembire embaraasi erikwera kandi niwe ogwo otembire embaraasi erikutukura. Kandi Eiraka ryagamba, ahagati y'Ebihangirwe ebiine amagara, ryayeta, nimureeba. Aho, yaija kureeba eki kyabaire kiri: Akaba ari omu Bihangirwe ebi ebiine amagara. Kandi yaareeba embaraasi egi erikwiragura.

*(Kandi) ku . . . eiraka ahagati y'ebihangirwe ebiine amagara ebina, ryagamba munonga riti:
Endengo y'engano y'edenaari, n'e-n'endengo ishatu za sayiri z'edenaari; kwonka amajuta na-na . . . viinyo otabishiisha. (Mwareeba?)*

100 Otembire embaraasi ogu, reka tumugambeho. Ku muraayetegyereza otembire embaraasi ow'okubanza, ou yaabaire ari. Kandi tushangire, ekiro ekihweire, omu Byahandiikirwe, ngu otembire embaraasi wa kabiri akaba buzima ari omuntu ogwo omwe, kureka akaba ari aha mbaraasi endijjo. N'enki ekyabaireho? Akahindura obuheereza bwe. Mwareeba? Kihikire. Tushangire ngu akaba ari antikristo, kandi akaba ahindwire omwanya gwe. Tushangire ngu we, okubanza, akaba ari embaraasi erikwera kusha, yaahinduka enyegyesa. Hati, buri emwe omuri ezi tuzigaruriize kimwe omu Byahandiikirwe. Mwareeba?

101 Hati, mureebe ahu turi, omwabazyo ogu, obwo busingye bw'ekanisa endijjo hati. Mwareeba? Nitwirira obusingye bwa kashatu bw'ekanisa hati. Mwareeba? Buzima kwo aha busingye bwa kashatu, obusingye bwa kashatu nibushushanira kimwe n'embaraasi ya kashatu. Mwareeba?

Hati, obusingye bw'okubanza bw'ekanisa, bukaba buri ki? Abanikolaiti bakaba baine enyegyesa, mwareeba,

obw'okubanza. Ni kirungi. Reero, ekintu eky'okubanza ekiturikumanya, enyegyesa egi ey'Abanikolaiti, ekaikirizibwa kandi yaaba ehikire, yaatandika kukora. Reero bakajweka ekirunga omuntu ogu. Bwanyima, omwoyo ogu, antikristo, gwataaha omu muntu. Mwareeba? Kandi nitushanga, bwanyima, yaahinduka Sitaane otaahire omu muntu, nawe; daimoni naarugaho agyenda, reero Sitaane ataahamu.

102 Kandi nk'oku ekanisa egoy eri omu muringo ogwo, ekanisa ya antikristo, neekurakurana; nikwo n'Omugore aizire n'ebintu bitari bimwe: okuraba omu kwihwaho orubanja, okwezibwa, okubatizibwa n'Omwoyo Orikwera, kandi n'okugumizamu, mwareeba, batyo. Okwihaho, bakabanza kutunga okusisiimuka kwabo, kandi Ekanisa erikukutunga aha muheru.

Emyaka eshatu yaabo ey'okubanza. . . Amatembezo ashatu g'okubanza g'abo abaarabire omu busingye bw'omwirimma; bwanyima erya kashatu, amatembezo ashatu, Ekanisa neerugayo; kuruga omu kwihwaho orubanja, okwezibwa, okubatizibwa n'Omwoyo Orikwera, omuri Ruhanga ajwaire omubiri ayorekirwe omuriitwe.

103 Ngugu hanu naataahamu, nka antikristo, nka nabi ow'ebishuba, bwanyima enyamaishwa, bwanyima omu busingye bw'omwirimma. Reero Ekanisa neeruga omuri obwo busingye bw'omwirimma; okwihwaho orubanja, okwezibwa, okubatizibwa n'Omwoyo Orikwera, Ekigambo ekihindukire omuntu, nigwo muhanda hati. Kandi naashuumma. Ahaa. Nimureeba ekyo? Naashuumma. Ekanisa neeza ahaiguru. Mwareeba? Kihikiire kimwe nk'oku kirikubaasa. Oo, ni kirungi. Ninkikunda.

Otembere embaraasi ogu niwe ogwo omwe, kureka omu idaara erindi omu buheereza bwe. Eitembezo ery'okubanza, embaraasi erikwera, mwareeba, akaba ari omwegyesa kusha, antikristo omwegyesa. Akaba naahakanisa Ekigambo kya Ruhanga. Kandi mbwenu noobaasa kuba antikristo ota? Weena oyehakana ngu buri Kigambo ky'eki tikiri ky'amazima, kandi akeegyesibwa atyo ni antikristo, 'habw'okuba bahakanisa E-E-E-E-Ekigambo. Kandi Niwe Kigambo.

104 Hati, eidaara ry'okubanza, embaraasi erikwera, akaba ari omwegyesa kusha, kwonka ari omwoyo gwa antikristo omu nyegyesa yaagwo n'omu mutindo gwagwo. Gukaba gutaine nshonga. Gukaba guitarikubaasa kushaasha ekintu kyona, nikwo kyareebekire; gumizamu kusha. Ogwo nigwo muringo ogu Sitaane ataahiramu. Oo, n'enyonyi enyabwengye endyaryarya.

Akagambira Haawa, yaagira ati, "Hati, noomanya noosherura obwengye. Torikumanya ekihikire n'ekigwire." Yaagira ati, "Hati, kuri amaisho gaawe nigaijuka, okaamanyire ekiri kyo." Kandi yaagira ati, "Ekijuma nikishemeza munonga. Ni kirungi. Ni-nikishemeza amaisho. Oshemereire kukirya hati. Torikumanya yaaba nikyo, nari kitarikyo, nookimanya?"

"Ngaaha, tindikukimanya. Kwonka Ruhanga akagira ngu tutakikora."

"Kwonka, oo,

mpaho, nimmanya, kwonka . . ." "Ruhanga akagamba ngu Na . . . tukaafa."

Yaagira ati, "Buzima ekyo Takaakikora." Mwareeba, kirungi nk'oku kirikubaasa. Mureebe eki kyakozire.

Mureebe omwoyo gwa antikristo ogu nigwimuka omu kanisa eyaabandize, enyegyesa y'Abanikolaiti. Niko, "singura" abakuratsi, kutaho omushaija orikwera. Oo, kiri nk'ekit- . . .

"Mpaho, nitwenda kukwatanisa hamwe kwonka. Ahabw'enki, mujanjaire aheeru hanu; tihariho orikumanya ahi ondi ari. Nintekateeka twena tushemereire kugira ekibiina ky'ediini reero tukaba ab'omutaano. Mwareeba, tuygende, twegaite. Tushemereire kukikoramu ekibiina eky'abeeteereine."

105 Kandi ekyo nikyo kiri. Tihariho ekintu nk'ekanisa ya Christian Church of Metsodisiti. Egyo ti Kanisa; Ekyo n'ekibiina eky'abeeteereine. Baptisiti, egyo ti kanisa; n'ekibiina ky'abeeteereine. Hariho Ekanisa emwe yonka, kandi egyo ni omubiri gwa Yesu Kristo ogw'enaama. Kandi ogwo nooguzaarwamu, ekyo kihikire, ahabw'okumanywa ira. Ekyo kihikire.

"Abu Tata ampa boona baryaija. Tihariho muntu orikubaasa kwija ahariinye kureka Tata yaamweta. Kandi abu Yampaire boona, baryaija Ahariinye." N'ahabw'ekyo, ekyo, nikyo ekyo. Na . . . Omwana gw'Entaama naashutama aho, naatu-naatutonganirira, okuhitsya obu ow'aha muheru araataahemu. Akade kakye nikateerwa, reero Ashohora kandi atwara Ebye byona obwo, mwareeba, nikyo ekyo; Areeta Ekanisa Ye Omuka, abantu Be. Kandi anaga omuzigu We omu Nyanja y'Omuriro, kandi abantu be boona hamwe nawe, kandi nikyo ekyo. Bwanyima tutaahe omu Kutegyeka kwa Kristo okw'Emyaka Rukumi.

106 Otembere embaraasi niwe omwe, hati. Eidaara eri ery'okubanza, akaba ataine nshonga. Kandi erya kabiri, hati, ku waakugyenzire ahaiguru kakyeho, kakyeho kukira ekyo; eidaara rya kabiri, Baiburi ekagira ngu akaba naaza "kuheebwa ekirunga." Kandi bakajweka omuntu ekirunga, omuntu mukuru munonga. Mwareeba, baamujweka ekirunga! Kandi, bwanyima, Baiburi teramwetsire paapa. Baiburi ekamweta "nabi ow'ebishuba." Ahabw'enki? Yee. N'ekya buzima, naateekwa kuba nabi w'ebishuba, ahabw'omwoyo gwe gwa antikristo, ogwayegyeise antikristo naahakanisa Ekigambo ekyabandize. Habw'okuba, ku araabe yaayegyeise naahakanisa Ekigambo ekyabandize, kikaba kiri antikristo. Kikaba kiri kyo. Kandi Ekigambo ni Ruhanga, mwareeba, Kristo. Ni

kirungi.

107 Hati, ahanyima y'ekyo, nitumureeba obwo ajwekirwe ekirunga. Kandi ku yaajwekirwe ekirunga, hati, tainiire kimwe nshonga kandi taine kihwera. Ni omuntu mukye. Kwonka kandi omu Rukiiko rwa Niika, akakikorerwa, kandi Konsitantiini yaamuha ebintu byona. Kandi bwanyima akakora ki? Bwanyima we, mwareeba, Sitaane, akamuha ekitebe kye ky'obukama n'obushoborozi. Baiburi nikwo yaagambire, nk'oku tukirabiremu.

Hati, ekindi kintu ekiturikuzoora, ni ngu Sitaane naategyeka eby'obutegyeki byona ebirabaireho nari ebiribaho. Ekyo nitukishanga omuri Matayo 4:11. Kandi hati nitushanga, obwo, ngu Sitaane akaba yaaherize kutunga eby'obutegyeki. Kwonka naagyezaho kutunga Ekanisa, n'ahabw'ekyo naashuumu kugibeihabeiba. Naakwata omuntu we mukuru munonga, amukozesa omu kibiina ky'ediini, kandi amujweka ekirunga "omutsigire wa Kristo," mwareeba, ngu ni kristo. Kristo akakora omu mwanya gwa Ruhanga. Mwareeba, omuntu ogu ni omutsigire wa Kristo, omu mwanya gwa Ruhanga. Mwareeba? Haihi nikyo kimwe, "omu mwanya gwa Ruhanga," eki ashemereire kuba, omutsigire ahansi ya Kristo.

108 Hati, hati, ku yaakozire ekyo, bwanyima obwo akakora ki? We, Sitaane, akawata obushoborozi bwe obw'ebi'obutegyeki, obu yaabaire yaaherize kutunga, kandi yaakwata obushoborozi bw'ediini, obu yaabaire yaaherize kujwekyerwa ekirunga, reero yaabigaita hamwe. Kandi bwanyima akamukorera ekindi kirunga ahaiguru y'okuzimu. Kandi n'abo abafiire, ku baakushashura esente ezirikugasha, akaabaihamu. Mwareeba? N'ahabw'ekyo hati ni-ni omutsigire wa Kristo ow'Eiguru, ahari purigaatori, nk'oku arikwenda kukyeta. Tihariho kintu nk'ekyo omu Baiburi, mwareeba, kwonka akaba ashemereire kugira eki yaakora. Baiburi ekagira ngu kikaruga omu kiina ekitaine bugarukiro, kandi nikigarukayo omu muringo nigwo gumwe. Kandi, omu nsi, omutegyeki!

109 Hati obwo akaheebwa ki? Okubanza, akaba aine obuta, kwonka akaba ataine omwambi gwona. Kwonka hati aine rurara mpango omu mukono gwe. Naabaasa kugira eki yaakora hati. Bwanyima naaguruka aruga aha mbaraasi ye erikwera; embaraasi erikwera egoye egumizamu neegyenda. Hati naatandamira ki? Embaraasi erikutukura, eshagama, embaraasi erikutukura nk'eshagama. Buzima egoye niyo arikutemba. Oo, buzima. Hati ahairwe obushoborozi bwingi kandi na rurara mpango, okwita, n'ahabw'ekyo naatemba embaraasi ye erikutukura nk'eshagama.

Nitureeba, kuruga omu Kamanyiso ka Kabiri, akaabaambwire ekiro ekihweire, abaire yaihire obusingye omu nsi kandi baitana. Kandi omu kitabo kye eky'abaafeereire okwikiriza ky'ekanisa y'Abakatoriki ya Rooma, nikyoreka ngu bakaita Abapurotesitante mirioni makumi mukaaga na munaana, kuruga omu bwire bwa Hippo Orirkwera wa. . . ahanyima ya Augustine Orirkwera wa Hippo, okuhitsya rukumi na magana ataano na makumi munaana n'ekintu. "Mirioni makumi mukaaga na munaana." Ekitabo kya Schmucker ekirikwetwa Great Reform, ku muraabe nimwenda kukishoma, Glorious Reform, nimmanyisa, mwareeba. Hati, mirioni makumi mukaaga na munaana abahandiikirwe omu kitabo ky'abaitiirwe okwikiriza!

110 Omwe aha barikwetwa abarikwera baabo ku yaatungire okushuuuirwa ngu weena owaabaire atarikwirizana n'Ekelezia ya Rooma ashemereire kufa nk'omuhakani, ekyo kikaba kibajagaraza obwo. Mwojo, akaza kusheesha eshagama! Aka-akatemba aha mbaraasi ye erikwera. . . aha mbaraasi ye erikutukura, reero yaagyenda agitembi. Oo!

Hati obushoborozi bwe bukur bwaija. Akahindurwa omutsigire wa Kristo w'Eiguru, kandi yaaramibwa nka Ruhanga. Omutegyeki w'ensi, ahabw'okugaita hamwe ekanisa na gavumenti, yaahindurwa omutegyeki omu nsi; ekyo baakimuheera ekirunga. Akaba naabaasa kushaba emyoyo eruga omuri purigaatori. Akaba nabwo naabaasa kutongani- . . . Akaba ari nka Ruhanga, omu nsi, omu mwanya gwa Ruhanga.

111 Byona hamwe, akaba aine obushoborozi bwingi okwita weena otarikwikirizana n'okuragiira kwe. N'oha orikuza kumugambaho ekintu kyona? Ekanisa terikubaasa kugamba ekintu kyona; niwe mutwe gwayo. Gavumenti terikubaasa kugamba ekintu kyona; niwe mutwe gwayo. N'ahabw'ekyo, hakafa zaamirioni. Amakanisa makye ago goona, ow'eishe-emwe, gakakwatwa, kandi gaitwa kandi gaatemurwa, kandi gaagaburirwa entare, na buri kintu ekindi. Mwareeba? "Ekijoka," Rooma, "kikamuha entebe ye n'obushoborozi." Baiburi nikwo yaagambire. Mwareeba? N'ahabw'ekyo akatemba embaraasi ye eyaabaire neeshushanisa, embaraasi erikutukura kuraba omu shagama y'abantu, okuhitsya obu yaahinduka embaraasi erikutukura.

Hati Yohaana naamureeba ari aha mbaraasi erikwiragura. Akahinduka, ekindi kintu. Hati ninteekwa ku-kugamba eki nk'oku kinyiziire. Reeru kandi kuri kinyiziire haza kitagyeragyenisibwe n'Ebyahandiikirwe ebindi, obwo Ruhanga naaba atakihaire. Mwareeba, Ebyahandiikirwe nibiteekwa, buri kimwe, ni ekintu ky'amaani kihango-kihango kityo. Ekyahandiikirwe nikiteekwa kwikirizana n'Ekyahandiikirwe. Kandi ekintu kyona ekihindukire aha Kyahandiikirwe . . . Maraika wa Mukama ku yaakungambira ekintu kyona ekirikuhakanisa Ebyahandiikirwe, Tinkamwikiriza.

112 Nkagamba okwo omuri Chicago ijweri obu abaheereza amagana n'amagana abo boona . . . Hariho owaabaire ariyo omu ruteerane orwo? Buzima. Oruteerane orwo omuri Chicago, nkagamba nti, "Hati, mwena nimugamba aha bi mwine . . . Muteekateekire ngu mubaire nimunzingirira hanu, aha kintu." Haihi nk'oku kiri omu kishengye hati. Nkagira nti, "Niki? Nimumpakanisa." Naagira nti, "Omwoyo Orirkwera akanyoreka, ebiro bishatu ebihingwire,

ahu buri omwe omuriimwe arikuza kuba ari. Kandi tukaba tutarikuza kuba omuri ekyo . . . Mbuuze Carl hanu yaaba kitahikire." Kandi hakaba hariyo na Hank hamwe n'abo boona bat, "Ekyo kihikire." Mwena mukaba muriyo kuhurira.

Nkagira nti, "Hati nimumpakanisa, aha nyegyesa yangye. Egyo niyo nshonga. Hati niinyenda omwe omuriimwe okwija hanu, kandi okwate Baiburi yaawe reero oyemerere aha rubaju rwangye, reero ogihakanise." Kikaba kiri ekibiina ekirakizireyo kuceceka eki orahuriire. Naagira nti, "Mubaire ki?" Naagira nti, "N'ahabw'ekyo, mwaba nimumanya ngu timurikubaasa kuhakanisa Elikambo, obwo mundungyeho."

113 Imwe ba Dokita omu by'ediini na buri kintu, kandi murikugamba oku, murikwelianjura nka 'Dokita,' 'Dokita.' Kandi ndi o . . ." (Oo, nyowe n'Ow'eishe-emwe Woods nitugamba "cheechaker," nari, "omuntu w'obumanyi bukye.") "Tiinyine bwegyeso, tinkazahoga omuri seminario yoona nari eishomero. Kwonka kwata Baiburi yaawe reero oije hanu kandi oyemerere aha rubaju rwangye, ohakanise oruzaaro rw'enjoka, okubatizibwa omu Iziina rya Yesu, nari kyona omu bintu ebyo ebi nyengyesa."

Tihariho n'omwe owaagambire ekigambo. Mwena ekyo nimukimanya. Ekyo kikaba kiri ekibiina ekyakizireyo kuceceka eki orareebire. Mwareeba, nibamuza nk'ebikoonaa oti shana niki. Hati, hati nkiki hanu. Tindikwikiririza omu kucompana n'abantu, kwonka kyahika aha mwanya ahu bagyezaho kukikugyemamu. Kandi nkaabaire ntagiireyo, kwonka Omwoyo Orikwera akangambira, yaagira ati, "Zaayo. Niinyija kwemerera naiwe."

114 Nkabagambira, ebiro bishatu nari bina obwire butakahikire. Mwena mukaba muriyo kandi mwahurira Omw. Carlson n'abo, na-na Tommy Hicks. Kandi abo boona bashutami aho. Kandi nkagyenda, ebiro bishatu kitakabaireho, kandi naagira nti, "Nimuza kushazamu omwanya ogwo."

Kikaba kiri ekiro ky'eihunga. Nkaba nyine oruteerane. Akagira ati, "Irooko, oyemerere aha dirisa egoo, aha rwigi rukye rwa kashatu orwo aho." Kandi nkazaho kandi naayemererera kimwe aho. Nkaranza aheeru ntyo. Yaagira ati, "Bakutegire omutego. Nibaza kukushaba okugamba omu ruteerane rw'Abaheereza ba Greater Chicago." Yaagira ati, "Bakutegire omutego, aha nyegyesa yaawe y'Elikambo Kyangye." Akagira ati, "Mbweni, nibaza kushazamu omwanya ogwo kuriya. Tibarikuza kugutunga. Kandi nibaza kuhika omu mwanya, ogw'erangi ya burawuni." Yaagira ati, "Nigushusha guti."

115 Nkareka, kandi naayereeba ndi omu nshonda; naaranza enyima okwo reero naareeba. Abo boona naabareeba okwo. Nkareeba abaheereza abo boona bashutami okwo, nk'oku baabaire bari. Boona naabareeba gye. Kandi Yaagira ati . . ."Oo," naateekateeka nti, "Haakiri obwo ntaazayo kyaba kiri kityo, Mukama, ku baraabe nibaza kukora ekyo. Tindikwenda kubashaasha nari kukora ekintu kyona ekitahikire."

Yaagira ati, "Irooko ogyyende. Niinyija kwemerera naiwe." Akakikora. Ekyo kihikire. Hati, imwe mwena, hariho baakareebi hanu, abaabaire bashutami okwo kandi nibamanya ngu ekyo n'amazima. Ekyo kihikire. Mpaho, mwine entambi z'amaraka hanu, nazo. Kwonka, nkikyo aho, nimureeba.

116 Hati, mbwenu ngigi enaama y'eki. Kandi hati, Kyo, ku Kyanshuruuriirwe aka kasheeshe kare kare omu kasheeshe aka, butakasheeshire. Bwanyima ngiire jubajuba omu Byahandiikirwe kandi naatandika kureeba, okukisherura. Nkikyo kiri aho. Bushatu okuhitsya hati, bushuuruuriirwe kimwe, okurengire eby'obuhangwa. Yee. Mbwenu ngigi enaama y'embaraasi erikwiragura, kurugirira aha ki naashuuruuriirwe.

Akatandika kutemba embaraasi omu bwire bw'obusingye bw'omwirima. Ekyo nikyo embaraasi erikwiragura yaabaire neeshushanisa, obusingye bw'omwirima, ahakuba bukaba buri obwire bwa shaaha mukaaga z'ekiro omu itumbi aha baikiriza b'amazima abaabaire batsigaire. Mureebe hati omu busingye bw'ekanisa obwo, obusingye bw'ekanisa obwo bwa rwagati, obusingye bw'ekanisa bw'omwirima. Mureebe oku Arikugira, "Oine amaan makye." Bukaba buri ny'ekiro omu itumbi aharibo, aha baikiriza

117 Mbwenu mureebe. Omu mazima amatsiko goona gakaba gaihirwe aha Kanisa y'amazima, ahakuba omuntu ogu akaba naategyeka byombi ekanisa na gavumenti. Nibaza kukora ki? Mwareeba, Obukatoriki bukaba buhambire, byombi ekanisa na gavumenti. Kandi boona, abaabaire batarikwikirizana n'Obukatoriki, bakaitwa. Egyo niyo nshonga yaabaire ari aha mbaraasi erikwiragura. Kandi mureebe ekintu ekirikwiragura eki yaakozire, mwareeba, n'ahabw'ekyo nimubaasa kureeba. Kandi nimu . . . Mbaba nimumanya ebyafaayo byanyu, mubireeba, bwanyima nimwija . . . Mpao, timurikwija nangwa n'okukimanya, oku-okumanya Eki.

Mbwenu mureebe. Amatsiko goona gakaba gahweire. Egyo niyo mbaraasi ye erikwiragura. Hati, akatemba embaraasi ye erikwera, obwengye bw'oburyarya. Bwanyima akaheebwa obushoboorozi; akaihaho obusingye, yaita zaamirioni. Ekyo nikyo yaabaire naaza kukora atembire embaraasi arikugumizamu naarabamu. Kandi na hati naakikikora. Mwareeba? Hati, ngugu hanu aha mbaraasi ye erikwiragura hati, naija omumaisho.

Obusingye bw'omwirima, bukaba buri obwo bwire. Nk'omu bwire obu ekanisa yaatandika, kandi ekatunga obushoboorozi, bakaniga buri kintu kyona. Kandi ekarabamu haihi, emyaka amagana n'amagana n'amagana, nikyo buri mushomi arikumanya nk'obusingye bw'omwirima. Ni bangahi abarikumanya ekyo? [Abateeraine baagira bat, "Amiina"-Omur.] Buzima, obusingye bw'omwirima. Ngigyo embaraasi yaawe erikwiragura, erikushushanisa obusingye obwo obw'omwirima.

118 Hati, amatsiko goona gahweire; hatakirih matsiko na kakye. Buri kintu kikareebeka nk'omwirima, aha baikiriza bakte. Hati, egeo niyo nshonga erikutuma bwayetwa, burikushushaniisibwa, n'embaraasi erikwiragura.

“Eminzaani ye, nari ebipimiso bye, omu ngaro ze,” nimureeba. Naayeta ati, “Endengo y'engano y'edenaari, n'endengo ishatu za sayiri z'edenaari.” Mwareeba, buzima, nikimanyisa, engano na sayiri n'ebintu by'obuhangwa by'obutoosha by'amagara. Ebyo nibyo omugaati n'ebindi bikorwamu. Kwonka, nimureeba, akaba naabishashuza sente. Eki kirikumanyisa, ekyo, akaba naashashuza sente abantu be ahabw'omuringo gw'amatsiko g'amagara agu yaabaire naabooherereza, ahabw'okukora . . . Akatandikira omu bwire obwo bwonyini, okubateeraho kushashurira eshaara, kubashashuza esente ahabw'eshaara. Nibakikora na hati; zaanovena. Habw'okuba, akaba naakora ki? Naanyaga obutungi bw'ensi. Ekipimiso, naapima, “Endengo y'engano y'edenaari; n'endengo ishatu za sayiri z'edenaari.”

Otembere embaraasi erikwiragura, mwareeba, akaba naakora. . . naayaka abantu be esente. Obu, Baiburi neeranga ngu aine, haihi, obutungi bw'ensi. Nk'oku twagambire ekiro ekihweire ahari Russia, kandi n'ebyo byona, nibatwara esente zoona kandi baake abantu buri kintu eki baine, buri kintu. N'ahabw'ekyo, nkkiko aho.

119 Hati mwetegyereze. Nimureeba ei okwo kutwara esente kwa kare, omu kanisa, ei kuruga? Muze hare n'ekintu ekyo; okwombeka ekibiina ky'ediini, ekintu kihango, doola mirioni hanu. Kandi-kandi nimureeba nyina waakyo eki ari?

Yebare, Mukama. Oo, mugyenzi! Nshemereirwe munonga. Eego, sebo. Ni kirungi. Zibaire embabazi Ze. Nikyo ekyo kyonka. Ni kirungi. Ni kirungi. Bukaba buri obwire bw'ekiro omu itumbi. Ekyo nimukyetegyereza hati? [Abateeraine baagira bati, “Amiina.”-Omur.] Kandi ngugu hanu naashashuza esente ahabw'omuringo gw'amagara, egeo niyo sayiri ye n'ebindi, eby'obuhangwa; bikaba bitari by'omwoyo, hati. Ekaba eri sayiri, mwareeba, n'ahabw'ekyo, kandi omugaati gwa sayiri hamwe n'omugaati gw'engano. Akaba naashashuza esente ahabw'amagara nk'ago agu yaabaire naaha abantu be. Abasaserdooti nibashashuza esente ahabw'eshaara, okushabira abantu bakaruga omuri purigaatori. Okushashuza! Hati eki ninkiihira kimwe omu byafaayo. Naashashuza ahabwa, ninteebereza, ni novena, ninteebereza, eki buri muntu arikumanya niki. Novena, ninteebereza ekyo n'ekintu eki oshemereire kukora, nimumanya, okucucuka. Hariho oshemereire kushashuza ahabw'ekyo.

Naayereetera obutungi bw'ensi, omuriwe wenka, omu kanisa yo yonka. Kandi na hati akitembire embaraasi. Oo, buzima atembire embaraasi. Eego, sebo. Na hati akitembire embaraasi!

120 Mwetegyereze. Hanu hariho ekicweka kirungi hati. Mwetegyereze. . . amajuta na viinyo ebi otabishiisha. “Ni nka makye Agatsigaireho aho, kwonka Ago otagakwataho!” Hati, amajuta ni . . . nigashushanisa Omwoyo, Omwoyo Orikwera.

Niinyija kubaha emishororongo mikye mwaba nimwenda. Hariho Ebyahandiikirwe bibiri. Omu kitabo ky'Abaleevi, 8:12, ahu Arooni, atakataahiremu, akaba ayeetaagiisibwa kushukwaho amajuta, nimumanya. Kandi omuri Zekaria 4:12, eky'amajuta kwija, nigeeshuka kuraba omu nshekye, kandi yaagira ati, “Ogu n'Omwoyo Wangye, Amajuta.” Ekindi kintu, mwaba nimwenda kureeba Matayo, 14 . . . 25, hakaba hariho omwishiki oshugaine omusHEMA, nari 25:3, omwishiki oshugaine omusHEMA akaba ataine Majuta, ataine Mwoyo. Kandi Matayo 25:4, omwishiki oshugaine ow'obwengye akaba aine Amajuta omu tabaaza ye, aijwire Omwoyo. Omwoyo! Amajuta garikushushanisa Omwoyo. Oo, ekitinisa! [Ow'eishe-emwe Branham yaateera omu ngaro ze rimwe-Omur.] Ni kirungi. Mwakitunga? [Abateeraine baagira bati, “Amiina.”] Byona biri gye.

121 Hati, amajuta nigashushanisa Omwoyo. Kandi viinyo neeshushanisa okwimutsya okukyamukirira kw'okushuuuruurirwa. Oo, mbai-mbaire ndi haihi kwiruka hoona hoona omu mwanya ogwo. N'eky'okutangaaza tinsisiimwire abataahi, Mukama ku anyorekire ekyo, mwareeba, “okukyamukirira kw'okushuuuruurirwa.” Mwareeba? Amajuta na viinyo, omu Baiburi, biine akakwate burijjo. Nkwatsire ekitabo ekirikuhwera omu kusherura Ebyahandiikirwe reero naareeba. Hariho orunyiriri rw'Ebyahandiikirwe oruri nka-nka batyo, ahu viinyo n'Amajuta biine akakwate, obwire bwona. Mwareeba?

122 Amazima g'Ekgambo kya Ruhanga ekiragaanisiibwe ku gaheeza kushuuuruwa omu mazima aha barikwera be abaijuziibwe Amajuta, boona nibakyamukirira. Viinyo ni okukyamukirira. Ekitinisa! Ninkwehuriram hati hati. Okukyamukirira n'amashemererwa, okuteera akaari! Mwareeba? Kandi, ku Kukikora, eki Kubakoraho nikishushana n'eki-n'eki viinyo ekora aha muntu w'obutoosha. Ahabw'okuba, okushuuuruurirwa ku kuheza kuheebwa, okw'Amazima ga Ruhanga, kandi n'omwikiriza w'amazima oijwire Amajuta, kandi okushuuuruurirwa kukashuuuruurwa, okukyamukirira nikuba okw'amaani munonga okuhitsya obu Arikumureetera okutwaza okutari kwa burijjo. Kihikire. Ekitinisa! [Abateeraine baayesiima.-Omur.] Mwareeba, ekyo nikyo kirikutuma baaba nk'oku bari bati. Ekyo kihikire, neebareetera kutwaza nk'okurikwitsa enhoni.

123 Hati, mwaba nimwenda Ekyahandiikirwe ky'eki, mutandikye kushoma Ebyakozirwe 2. Barahi? Bakaba baine okuragaanisiibwa okwabaire kubahairwe. Obu okuragaanisiibwa kwona okw'Omwoyo Orikwera kwashukirwe aharibo. Kandi kukaba . . . Kukaba kuhamiibwe omu Byahandiikirwe.

Hati, nimureeba, e . . . Kuri baabaire bagambire . . . “Hati, rindaho kakye, Akatugambira okutegyereze hanu

obuheereza bwaitu.” Kandi ahanyima y'ebiro munaana, bakaabaire bagizire bati, “Mpaho, nimbagambira, boojo,” Mako yaagambira Matayo, “ni-niinyikiriza twaherize Kumutunga, bantu 'mwe. Tikwo? Mwareeba, twaherize Kumutunga. Obu tutegyereize obuheereza bwaitu hati, tushemereire kushohora tukagumizamu, nitubuurira. Akatugambira ngu twije ahaiguru hanu kandi tutegyereze, mbwenu n'ebiro munaana ebi twamara hanu.”

“Mbwenu, ka tutegyereze ekindi kimwe.”

Ebiro mwenda byahika. Bwanyima Mako yaija, nari-nari-nari obundi ondijo omuribo, Yohaana, yaagira ati, “Ni-ni-niinyikiriza titushemereire kutegyereza kurenga aha, ninyikiriza twaherize Kumutunga. Tikwo?”

124 Obwo nindeeba Simooni, 'habw'okuba akaba aine ebishumuurozu, nimumanya. “Hati murindeho edakiika, boojo. Ekyahandiikirwe kiine eki kirikugamba ahari eki. Taratugambiire ebiro bingahi eby'okutegyereza. Akagira ati, 'Imwe mugume aho mpaka! Imwe mugume aho okuhitsya obu obunabi bwa Yoeli buraaikiiri, okuhitsya obu obunabi bwa Isaaya buraahamibwe.'” “N'abantu b'eminwa erikuhebeba kandi abarikugamba orundi rurimi Ndyagambira abantu aba. Kandi oku nikwo kuruhuuka.” Egi niyo viinyo eshukirwe.

Viinyo niki, omuri Baiburi? Ebirkugaruzamu amaani. “Ebi n'ebirkugaruzamu amaani ebirkuruga omu Kubaho kwa Mukama.” Mwareeba? Ki-kishemereire kuba eky'Ebyahandiikirwe hati. Mwareeba?

N'ahabw'ekyo, nimureeba, viinyo neejwekyera okucamukirira kw'okushuuuirirwa. Kandi Omwoyo Orikwera ku yaashuumire, kandi bakareeba Omuriro gwa Ruhanga nigubashuumaho, mugyenzi, ekyo kikatandika kubakyamutsya. Kandi eky'okubanza noomanya, bakakyamukirira munonga okuhitsya obu abantu buzima baateekatekire ngu bakaba basinzire, kwonka bakaba bakyamukiri ahabw'okushuuuirirwa.

125 Ahabw'ebya Ruhanga . . . Nkiki hanu! Okushuuuirirwa kwa Ruhanga okuhamiibwe, kuboorekirwe butunu, bakaba Bakushemerereirwe. Ruhanga akakiragaanisa. Hanu kikabashuuuirirwa, kandi kyahamibwa aharibo. Amiina! Hanu hakaba hariho omuntu ayemereire aho, arikugira ati, “Eki nikyo Kiri! Nikyo Eki!” Kandi nkikyo kikaba Kiri aho, kirikuhamibwa n'akabonero niko kamwe aku twine ebiro ebi. Hariho-hariho okukyamukirira ahabw'okushuuuirirwa. Mwareeba? Kandi, hati, buzima bakaba Bakiine obwire obwo.

Egyo niyo nshonga Petero yaabaire naabaasa kuza aheeru aho, kandi akagira ati, “Ahabw'enki, imwe bashaija ba Buyudaaya 'mwe, naimwe abatuura Yerusalem, mumpurikize. Imwe ba Dokita omu by'Ediini mwena, mutegye amatu eki ndikuza kubagambira, mwareeba.” Oo, ka n'eky'okutangaaza! Kishuurwirwe! Kishuurwirwe! Bakakyamukirira munonga ku bakireebire nikihamibwa. Ekyo burijo kikora ekyo. Burijo nikikikora.

126 Ku ndikureeba ngu Ruhanga akaragaanisa kukora ekintu nanka omu biro ebi, obu Yaaragaanisa kubambuura Obumanyiso obu omu biro ebi eby'aha muheru! Kandi timurikumanya okushemererwa, ekitiinisa, ku ndeebire Yaashuurura eki, nkeemerera aho kandi nkareeba nikibaho! Kandi n'okumanya ngu ndyatwara omuntu weena, aha rubanja: Takatugambiraga ekintu na kimwe haza kitabeho. Kandi bwanyima kureeba okushemererwa okuri omu mutima gwangye, naareeba okuragaanisa Kwe ahabw'ebiro ebi eby'aha muheru, nk'oku Yaaragaaniise kukikora. Kandi hanu ninkireeba kihamiibwe kandi kihikiire kimwe.

127 Ndi nka . . . Nimumpurira ningira nti, “Naahurira naataaha omu Omwoyo.” Egyo niyo nshonga. Okukyamukirira ni kwingi munonga, ndi-ndi-ndi nka-haihi kutandika kuteera orwari n'okutwaza nk'otaine bwengye, nimumanya. Okukyamukirira, okurikuruga omu kushuuuirirwa!

Ni kirungi. Nibakyamukirira munonga, aha ku-kushuuuirirwa, oku baahamize, ni kirungi, okuragaanisibwa. Hati, oo, mugyenzi! Aho hakabaho okushemererwa kw'okukyamukirira, okuhitsya obu abantu baagambire ngu, “Basinzire viinyo y'omutahe,” Ruhanga ku yaashuurwire okuragaanisa Kwe aharibo. Kandi Tarakushuurwire kwonka, kureka Akakuhamya. Ekyo nikyo ntire ningamba. Omuntu naabaasa kugamba ekintu kyona, yee, naabaasa kuba aine ekiconco ky'obuzaarwa kugamba ekintu kyona; kwonka Ruhanga yaija kandi ekyo akakihamya!

128 Hati, Baiburi ekagira eti, “Ku haribaho weena omuriimwe, orikwegambaho kuba ow'omwoyo nari nabi, ku arigamba ebintu ebi kandi bitaabaho, mutarimutaho omutima. Mutarimutiina, na kakye. Mutatiina ogwo muntu. Kwonka yaakigamba kandi kikabaho; ogwo Niinye, nimureeba. Nyowe, ekyo nkirimu. Ekyo nikyo kirikuhamya ku Niinye.”

Kandi, bwanyima, omukazi mukye ogwo Omusamariakazi. Ebyahandiikirwe bikaba byagambire ngu Mesia ogu akaba naaza kukora ebintu ebi, kandi akaba ayemereire aha kandi buzima yaakora eki Ebyahandiikirwe byagambire. Omukazi akagira ati, “Ngugwo aho. Mwije, mureebe Omuntu! Ekyo t'ekintu buzima eki Ebyahandiikirwe byagambire ngu kikaba nikiza kubaho?” Mwareeba, akakyamukirira ahabw'okushuuuirirwa. Ekyo kihikire? [Abateeraine baagira bati, “Amiina.”-Omur.]

129 Akakyamukirira ahabw'okushuuuirirwa, ku kyayorekirwe. Mwareeba? Ekyo kihikire. Akamanya ngu hariho . . . “Nitumanya ngu Mesia aryaija, Ogwo orikwetwa Kristo. Kandi ku ariija, aryakora ebintu ebi.” Ogwo mukazi akakireeba.

Kandi Yaagira ati, “Niinye.”

Reero okukyamukirira kwatandika. Kandi yaagyenda, naateera akaari, kandi okushuumma kuraba omu rurembo. Akatsigaho enyungu y'amaizi ekuzire, kandi yaashuumayo, kandi yaagambira abantu ati, "Mwije, mureebe!"

130 Hati, kuri nimumanya emigyenco ya Burugwa-izooba kusha, ku ekyo kigwire ogwo mukazi kukikora. Eego, sebo. Omukazi w'omuringo ogwo, tihariho omuntu owaakubaire naamuhurikiza. Ngaaha, sebo. Mwareeba, akaba aine eiziina ribi, kandi ku ya . . . Ku yaakugiire omu nguuto z'omu tauni ari atyo, kandi akatwaza atyo, abantu b'omu nguuto ez'omu rurembo tibaakumutaireho mutima. Kwonka, ow'eishe-emwe, akaba aine Ekigambo ky'Amagara aho! Akakyamukirira. Okaba noobaasa . . . Kikaba kiri nk'okugyezaho kuraaza enju, erikutsya, aha izooba ry'omuyaga mwingi. Oo, hariho ekintu ekirikuguuhuha! Ogwo mukazi akaba-akaba ayeteekateekire. Eego. Ekyo bakaba batarikubaasa kukiraaza. Ogwo gukaba guri Omuriro gwa Ruhanga gurikwaka. Eego, sebo.

131 Akagira ati, "Ku muraabe mutarikwikiriza ngu nikwo kiri, nimwije seeri kunu ahu oruteerane rurikugyenda omumaisho. Niinyija kukibeereka." Yee. Nikyo ekyo. Yee. Eego, sebo. N'ahabw'ekyo abantu bakazayo. Kandi Taragarukire kukikora omurundi ogundi. Kwonka bakamanya ngu haine ekyabaire kyaba aha mukazi ogwo. Akahindurwa, n'ahabw'ekyo bakaikiriza Yesu. Eego, sebo. Bakamwikiriza. Habw'okuba, "Okwikiriza kuruga omu bi tuhurira, okuhurira okuragaanisa kwa Ruhanga, Ekigambo kya Ruhanga, kandi nookukireeba nikibaho." Habw'okuba, Kyo n'embibo. Kandi kyabibwa, nikija kugira Amagara. Nikija kuzaara eki Kirikugambaho. Kyaba kitakikozire, obwo ti Mbibo ya Ruhanga. Nari, omubibi taramanyire Okugibiba; Taratumirwe Ruhanga, okubiba Embibo. Naabaasa kuba Naazibiba ahaiguru y'orukiri nari ekintu ekindi. Mwareeba? N'ahabw'ekyo ni-n'ahabw'ekyo nimureeba, omubibi naabiba Embibo, Ruhanga Azifaho, Zigwa omu mwanya oguhikire, nimureeba. Oo, mugyenzi!

132 Mbwenu Nikigambira ki ahari ogu otembire embaraasi ojwaire ebirikwiragura? "Otashiisha viinyo Yangye n'Amajuta Gangye! Otabikwataho, viinyo Yangye n'Amajuta! Nyineho nkye eifo okwo, kwonka hakiriho nkye kuriya. Yee. Mbwenu noobaasa kugumizamu reero opime embeera z'amagara ago ag'orikugaba; ekyo kiri ahariiwe. Nooza kukifubirirwa omumaisho okwo. Kwonka ku oraabugane viinyo egyo n'Amajuta, Otabikwataho!" Oo, mugyenzi!

Ku oraabe noobaasa, ku ora . . . Omu bindi bigambo, kiri kiti, "Ku oraakwate bamwe ab'omu Busyo bukye Bwangye, abaijuuibwe n'Amajuta Gangye na viinyo, mwareeba, viinyo n'Amajuta g'Ekigambo ekischemeire, mwareeba, kandi nooza kubaita. Habw'okuba, iwe, nookikora. Ekyo nikyo orikukora. Otabagyema kugamba 'Kasingye Mariya' yoona, nari kukora ekintu kyona nk'ekyo, nari zimwe omu nyikiriza zaawe. Otabakwataho. Nibamanya ei barikuza, ahakuba bashukirweho Amajuta Gangye. Kandi ahabw'okushukwaho Amajuta Gangye, baine viinyo y'okushemererwa, 'habw'okuba nibamanya Ekigambo Kyangye eki Naaragaanise, 'Ninza kugaruka mbazoore.' Ekyo otakishiisha! Otaza kugyezaho kubazambaaza. Habw'okuba, Okirugyeho. Ngaaha." Boona . . .

133 Naahamya Ekigambo Kye kandi Akitaasyamu. Bakaba nibamanya. Bakaba nibamanya ngu bakaba nibaza kugaruka kuzooka. Oo, ekyo ka ninkikunda! Whew! Baryagaruka bazookye. Ngigi embaraasi erikwiragura yajja, etembirwe hati, obusingye bw'omwirima. Hakarugayo embaraasi erikwera; tureebire eki yaakozire, gye munonga. Haija embaraasi erikutukura; nitreebera kimwe eki yaakozire. Haija embaraasi erikwiragura. Nimureeba, otembire embaraasi n'ogwo omwe obwire bwona, eki ariyo naakora, okushuumira kimwe kuraba omu busingye bwona.

Hati nitushanga ngu, akakirenga kandi yaakishashuza, buzima: engano, ey'obutoosha, amagara g'obutoosha. Ekyo nikyo baabaire nibatuirira. Kwonka, okushushanisa; Omwoyo, Amajuta; kandi n'okushemererwa kwa viinyo. "Ago Magara g'omwoyo, Ago otagashiisha. Garekye! Oihireho ekyo, "Iwe Rooma 'we, otagakwataho! N'Agangye! N'Agangye!"

134 Hati nyine ekindi kintu hanu eki ndikwenda ngu mumanye. Mwetegyereze, kikaba kitari kimwe aha Bihangirwe ebina ekyagizire kiti, "Otakwata aha Majuta na viinyo." Ekyo mukyetegyereize? Ebihangirwe ebina bikaba bibaire nibigamba, kwonka. . . Mureebe, reka nshome hanu, kakyeho, mwareeba, hati.

. . . endengo, edenaari, ye-ye e . . . engano y'edenaari, n'endengo ishatu za sayiri z'edenaari;
kwonka viinyo n'a. . . amajuta otabishiisha.

Hati muhurikize hanu.

(Kandi na-kandi) naahurira eiraka ahagati y'ebihangirwe ebiine amagara ebina . . .

Kikaba kiri ki? Omwana gw'Entaama! Amiina! Bikaba bitari Ebihangirwe ebina. Omwana gw'Entaama akakigamba. Ahabw'enki? Naaza kutwara Abe. Abo n'Abe. Abacungwire. Mwareeba? Amiina! "Otakwata ahari ago majuta!" Ngaaha, sebo. Ti Bihangirwe ebina, kureka Omwana gw'Entaama niwe Ogwo owaakigambre. Kandi, oo, mugyenzi! Omwana gw'Entaama! Ti . . . Ebihangirwe ebina tibirarangire eki. Omwana gw'Entaama akakigamba, We wenka. Ebihangirwe ebina ku byagizire biti, "Ija oreebe," kandi bakagyenda kandi baabireeba batyo. Kandi akagira ati, "Endengo y'engano y'edenaari, kandi n'ahabw'okure. . . . Kandi n'ekirikwingana nk'eki, kandi na sayiri erikwingana eti." Kwonka kandi Omwana gw'Entaama akagamba n'eiraka rihango, ahagati yaabyo honyini, yaagira ati, "Kwonka otashiisha viinyo n'Amajuta!" Ahaa. Ekyo kihikire. Oo, mugyenzi! Mukihurikize, "Otagashiisha,

mwojo 'we, kitari kityo nooza Kukifubirirwa ekiro kimwe." Oo, mugyenzi! Shaaha ishatu n'edakiika makumi ashatu.

135 Mpaho, omu kwetegyereza kwangye okurikukirirayo kimwe, kandi nk'oku ndikumanya, kandi na byona ebi ndikwikiriza omu mutima gwangye, ago nigo makuru g'amazima g'obwo Bumanyiso bushatu. Niinyenda kukisiimira Ruhanga. Kandi ninza kugamba eki, ngu, nikwo kushuuruirirwa oku Ampaire. Ekyo Akimpaire, okushuuruirirwa Kwakyo. Kandi niinyikiriza ngu tutwire omu biro by'aha muheru.

Nyencakare omu kiro nitwija kukwata ogwo otembire embaraasi ya kisa. Kandi hati tindikumanya. Tindikumanya. Ruhanga naamanya ngu ekyo n'amazima. Tihaine eki ndikukimanyaho. Ngaaha. Ndeebire omu bigambo byangye ebya ira ebirikushoboorora ebi naabaire nyine emyaka eyaahweire. Ndeebire Ow'eishe-emwe Graham Snelling akaanya kakye akaahingura; naabaasa kuba yaashohora. Kwonka, niinyijuka obu naabaire nimbuurira hanu, enyimaho. Nsherwire kureeba ebi naagambire emyaka eyaahingwire. Ekiro kimwe nkaba nindaba omu Kitabo ky'Okushuuruirwa, nkakwata abatembire embaraasi bana boona omurundi gumwe.

136 Nkagira nti, "Embaraasi erikwera, egyo ekaba eri ekanisa eyaabandize, hatariho kubangaanisa." Ekyo nkakishoma kuruga omu kitabo ky'Abadiventisiti. Kandi haine eki naashomiremu. Nkagira nti, "Egyo ekaba eri ekanisa eyaabandize eyaagyenzire, neesingura."

Kandi eyaakuratsireho ekaba eri embaraasi erikwiragura, nkagamba . . . Hati naayebwa eki naayetsire egyo mbaraasi erikwiragura. Nkagira . . . Nari, "Embaraasi erikutukura," nimmanyisa, nkagira nti, "embaraasi egyo obundi ekaba neemanyisa ngu-ngu akabi kariyo nikaija, kandi nikaza kumanyisa ngu entaro nyngi niziza kugumaho, nari ekintu nk'ekyo." Nkagira nti, "Shana haryabaho engamba nyngi." Nkagira nti, "Ekyo nikyo ekyo kyabaire nikiza kuba.

137 "Kandi bwanyima nkagira nti, "Embar- . . . ya kisa." Nari, "E-embaraasi erikwiragura," nkagira nti, "egyo-egyo neemanyisa ngu-ngu obundi haryabaho obwire bw'omwrima omu nsi, enyonyoozi zoonza zi-zirireka kwaka; eizooba riryaraara, kandi n'okwezi tikurijwa." Naagira nti, "Obundi ekyo nikyo kirikumanya."

Nkagira nti, "Embaraasi kisa, neemanyisa endwara nyngi nizija." Hati, tindikumanya eki kirikumanya. Kwonka, ekyo ni, okwo nikwo kwabaire kuri okushoboorora kwangye obwire obwo, 'habw'okuba nkakikwata nk'oku naabaire nimbaasa, nyemereire hanu aha kituuti. Kwonka, oo, nkaba ndi haihi kugamba ekintu! Ni kirungi. Hmm! Oo! Nimwija-nimwija kureeba. Mureebe kwonka, mwareeba. Hati, oo, titushemereirwe ahawb'obwire obu obu tutwiremu! [Abateeraine baagira bat, "Amiina." -Omur.] Ku turikureeba ekintu eki kyona kirikwetebeekanisa kubaho, nintekateeka:

Amahanga nigaremwa, Israeli neesisiimuka,

Obumanyiso obu baanabi baaragwireho;

Ebiro by'Abanyamahanga ebitsigaire ni bikye, n'ebirikutiinisa biijwiremu;

"Mugarukye, O imwe abataataine, owaanyu."

Ekiro ky'okucungurwa kiri haihi,

abantu bahahaire emitima ahawb'obwoba; Mwijure Omwoyo, etabaaza zaanyu zishemeziibwe kandi ziri gye, Mureebe ahaiguru, okucungurwa kwanyu kuri haihi! (Oo, mugyenzi!)

Baanabi b'ebishuba bariyo nibabeisha, Amazima ga Ruhanga nibaghananisa,

Ngu Yesu Kristo ogwo ti Ruhanga waitu;

Ekyo nimukiikiriza? [Abateeraine baagira bat, "Amiina." -Omur.]

Kwonka nitwija kuraba ahu entumwa zaaribatsire.

Ahakuba ekiro ky'okucungurwa kiri haihi,

abantu bahahaire emitima ahawb'obwoba;

Mwijure Omwoyo, mushemeze etabaaza zaanyu kandi zibe gye, Mureebe ahaiguru, okucungurwa kwanyu kuri haihi!

138 Ekyo t'eky'okutangaaza? [Abateeraine baagira bat, "Amiina." -Omur.] Ekyo ninkikunda. Okucungurwa kwanyu kuri haihi.

Kandi haryabaho Omushana omu bwire bw'omwabazyo, Omuhanda ogurikuza omu Kitiinisa buzima muryagubona;

Omuhanda gw'omu maizi, nimwo Omushana gw'ebiro ebi guri;

Okuziikwa omu Iziina ry'omuhendo erya Yesu.

Abato n'abakuru, mweteise kuruga omu bibi byanyu byona, Omwoyo Orikwera buzima naija kutaahamu;

Omushana gw'omu mwabazyo gwizire,

N'amazima ngu Ruhanga na Kristo n'Omwe.

139 Niwe Kigambo! Oo, mugyenzi! N'eky'okutangaaza!

Juba Omwana gw'Entaama naija kutwara Omugore We okuba aha rubaju Rwe ebiro n'ebiro,

Eihe ry'omu Iguru ryona nirija kuba riteeraine;

Oo, kiryaba ekirikureebwa ky'ekitiinisa, abarikwera boona bajwaire ebirikwerera kimwe;

Kandi bo na Yesu baryarya obugyenzi Ebiro n'ebiro.

Oo, "Mwije murye," Omwegyesa naayeta ati, "Mwije murye;" Oo, nimubaasa kurya obugyenzi aha meeza ya Yesu obwire bwona;

Ogwo owaariisize omutwe muhango gw'abantu, akahindura amaizi viinyo,

Aha baine enjara hati naayeta ati, "Mwije murye."

Oo, "Mwije murye," Omwegyesa naayeta ati, "Mwije murye;" (Murye Ekigambo!)

Nimubaasa kurya obugyenzi aha meeza ya Yesu obwire bwona; Ogwo Owaariisize omutwe muhango gw'abantu, akahindura amaizi viinyo,

Aha baine enjara hati naayeta ati, "Mwije murye."

140 Oo, mugyenzi! Mwine enjara? [Abateeraine baayesiima -Omur.] "Baine omugisha abagirira eby'okuhikiirira enjara n'eiriho." Nimumukunda? [Abateeraine baagira bati, "Amiina"-Omur.] Nimumukunda? Eiraka ry'ekyeshongoro nimukunda, nimumanya. Reka twena twemerere hati, kandi twimutsye ahaiguru emikono yaitu reero tumuramye. "Nimukunda, Nimukunda ahabw'okuba Akabanza kunkunda." Ni kirungi, twena hamwe hati.

Nimukunda, Nimukunda

Ahabw'okuba Akabanza kunkunda

Kandi Yaagura okujunwa kwangye

Aha musharaba Gologosa.

141 [Ow'eishe-emwe yaagamba omu rundi "rurimi." Ow'eishe-emwe Branham yaahunamamu.-Omur.] Mucureerere kimwe buzima. Twine omushoboorozi w'endimi hanu, Ow'eishe-emwe Higginbotham. Tindikumanya yaaba ari hanu omwabazyo ogu, nari atariho. Nitwenda kumanya eki yaatugambira. Mutegyerezeho edakiika. Hanu, hanu. . . [ow'eishe-emwe kazi yaazishoboorora.] Buzima, Mukama ahimbisibwe! Okwikiriza kwangye kwaimukibwa ahaiguru munonga omuri Ruhanga. Imwe, Nimumukunda, ekiro eki, n'omutima gwanyu gwona? [Abateeraine bati, "Amiina"-Omur.] Oo, Mumuhimbise, kandi mugire muti, "Yebare, Mukama Yesu!" [Abateeraine baahimbisa Ruhanga.] Ka Nitukuhimbisa, n'emita yaitu yoona, Mukama! Ekitiinisa ahari Ruhanga! Mumuhimbise buzima, bantu 'mwe mwena. Ruhanga agume naimwe! [Abateeraine baagumizamu nibeesiima kandi nibahimbisa Ruhanga -Omur.]



www.messagehub.info

Obutumwa obu bukabuurirwa
William Marrion Branham
"... omu biro by'eiraka ..." Kush 10:7